



第十五

人

會

倉

入

矢

矢



高

川

亭

京

高

亭

富

亩

嗇

來

麥

艾

枅

孳

韋

弟

久

久

桀

此册俗字也
少未及編抹
也

說文解字第五義證第十五

魯川以硃筆校



曲阜桂馥學

△ 三合也從入一象三合之形凡人之屬皆從△讀

若集
秦入切

三合也者本書糾繩三合也 讀若集者書允征辰
弗集于房傳云集合也杜預左傳集解當作△解北
人呼市為集所謂合市也

合口也從△從口
侯閣切

合口也者言兩口對合也漢書律歷志合龠為合謂
兩龠之口相合為一合

𠂔

皆也從亼從口從从虞書僉曰伯夷七廉切

皆也者釋詁文本書咸皆也鄭注春官筮人云咸猶
僉也方言僉皆也自山而東五國之郊曰僉又云僉
夥也注云僉者同故為夥小爾雅廣言僉同也 從
口從从者五經文字口音喧徐鍇曰从相從也馥謂
衆口從之虞書曰僉曰伯夷者舜典文堯典僉曰於

錯頁宜正

絲哉傳云僉皆也史記作皆曰絲可

𠂔

思也從亼從卍力屯切

思也者廣雅同詩大雅於論鼓鐘傳云論思也箋云
論之言倫也

𠂔

籀文僉

本書卍古文作𠂔籀文作𠂔此𠂔亦當作𠂔今從
𠂔誤

𠂔

是時也從亼從厂厂古文及居音切

說文

解字

義登

卷五

釋詁肆故今也詩大雅緜篇肆不殄厥愠傳云肆故今也抑篇肆皇天弗尚箋云肆故今也

是時也者孟子及是時墨子始當時也馥謂始為當時故今為是時 從厂厂古文及者本書金從人張有謂當作丁案本書舍飲並作丁市從及作丁

舍

市居曰舍從人巾象屋也口象築也

始夜切

釋名舍於中舍息也 急就篇室宅廬舍樓殿堂顏注

舍謂人於其中舍息也 周禮大聚解五里有郊十里

錯頁宜正

有井二十里有舍 李善注郭璞遊仙詩引淮南子注

二十八宿一宿為一舍 匡謬正俗舍止訓止訓息也

人舍屋及星辰次舍其義皆同論語逝者如斯夫不舍

晝夜謂曉夕不止息也耳莊周云百舍重趂謂在道多

止息耳今人皆不言舍蓋改音捨違義借讀於理僻謬

市居曰舍者御覽引作市居曰稅舍地官廛人掌斂

廛布注云廛布貨者賄諸物即舍之稅又司市以次

叙分地而經市注云次謂吏所止舍 巾象屋也口

象國邑三字宜
居中寫字之大
小宜占上文同

象築也徐鍇曰人衆集也中立柱栢椳之形口音圍
會意馥茶本書高從口口與倉倉同意倉從口象倉
形又同從口象國邑

文六 重一

會

合也從人從曾省曾益也凡會之屬皆從會

黃外切

合也者釋詁文本書啟合會也同合會也燕禮飲酒
以合會為歡也詩杜會言近止箋云會合也聘禮
會諸其幣注云會合也王制不能五十里者不合于

錯頁宜正

天子注云合會也通鑑江志淵素恬雅漸不會旨注
云會合也六書故周官司會以歲會考歲成謂會合
而計之也 從曾省曾益也者本書譜加也話會合
善言也善言謂巧言話古文作譚詩青蠅構我二人
箋云構合也桓十六年左傳宣姜與公子朔構急于
後漢書隗囂傳勿用旁人稱構之言馥謂會合者誣
加構合也

合

古文會如此

說文

解字

義證

卷十五

四

會

益也從會卑聲符支切

益也者本書埤增也增益也裨接益也俾益也

會

月合宿為辰從會從辰辰亦聲

植鄰切

日月合宿為辰者辰廣韻類篇集韻通志並引作會

宿謂二十八宿釋名宿宿也星各止宿其處也顏氏

家訓一宿首尾相去數萬黃裳天文圖十二次日月

所會元枵至陬訾皇侃注月令正月建寅日月會辰

在亥故耕藉用亥也詩綢繆箋云心星為二月之合

宿大衍星分圖五月午日月會於鶉首六月未日月

會於鶉火八月酉日月會於壽星御覽引左傳舊注

臘祭名也日月會於龍尾百物備合因於是祭羣神

也鄭注月令孟春者日月會於陬訾而斗建寅之辰

也仲春者日月會於降婁而斗建卯之辰也季春者

日月會於大梁而斗建辰之辰也孟夏者日月會於

實沈而斗建巳之辰也仲夏者日月會於鶉首而

斗建午之辰也季夏者日月會於鶉火而斗建未之

辰也孟秋者日月會於鶉尾而斗建申之辰也仲秋者日月會於壽星而斗建酉之辰也季秋者日月會於大火而斗建戌之辰也孟冬者日月會於析木之津而斗建亥之辰也仲冬者日月會於星紀而斗建子之辰也季冬者日月會於玄枵而斗建丑之辰也易繫辭大行之數五十京房云謂十日十二辰二十八宿也九家曰辰日月所會之宿謂陬訾降婁大梁實沈鶉首鶉尾壽星大火析木星紀玄枵之屬是

也書堯典歷象日月星辰傳云辰日月所會正義云日月所會者昭七年左傳士文伯對晉侯之辭也日行遲月行疾每月之朔月行及日而與之會其必在宿分二十八宿是日月所會之處辰也時集會有時故謂之辰洪範四五紀四曰星辰馬云辰日月之所會也王云辰者十二月之會次孔氏正義云辰謂日月別行會於宿度從子至丑為十二辰月令孟春日在營室仲春在奎季春日在胃孟夏日在畢仲春日

言文解字義證 卷十五 六
在東井季夏日在柳孟秋日在翼仲秋日在角季秋
日在房孟冬日在尾仲冬日在斗季冬日在婺女十
二會以為十辰二即子丑寅卯之謂所以紀日月之
會處也膚征乃季秋月朔辰弗集于房傳云辰日月
所會房舍之所舍之次集合也春官大宗伯以實柴
祀日月星辰注云辰謂日月所會十二次疏云辰即二
十八星也但二十八星而有七不當日月之會直謂
之星若日月所會則謂之宿謂之辰謂之次亦謂之

房故允征云辰弗集于房保章氏掌天星以志星辰
日月之變動注云辰日月所會馮相氏掌十有二歲
十有二月十有二辰十日二十有八星之位辨其序
事以會天位注云會天位者合此歲日月星辰宿五
者以為時事之候疏云二十八星者東方角亢氐房
心尾箕北方斗牛之等為二十八星也若指星體而
言謂之星日月會於其星即名宿亦名辰亦名房考
工記輶人輪輻三十以象日月也蓋弓二十有八以

象星也注云日月三十日而合宿僖五年左傳丙之
晨龍尾伏辰注云龍尾尾星也日月之會曰辰昭七
年傳公曰何謂六物對曰歲時日月星辰是也公曰
多語寡人辰而莫同何謂辰對曰日月之會是謂辰
服云星二十八宿也辰十二辰也杜云一歲日月十
二會所會謂之辰昭十七年傳日過分而未至三辰
有災故夏書曰辰不集于房杜云三辰日月星也日
月相侵又犯是宿故三辰皆為災周書王曰余不知

九星之光周公旦曰九星星辰日月四時歲是謂九
星又周月解日月俱起于牽牛之初右回而行月周
天進一次而與日合宿日行月一次而周天厯會于
十有二辰終而復始是謂日月權輿鷓冠子曰不踰
辰月宿其列陸佃注日月所會為辰漢書藝文志厯
譜者序四時之位正分至之節會日月五星之辰以
考寒暑殺生之實後魏術藝傳殷紹上四序堪輿表
曰第三叔序明日月辰宿交會相生相為表裏鄭注

堯典六宗云辰謂日月所會十二次也馥案閏月無所會故王肅曰斗之所建是為中氣日月所在斗指兩辰之間無中氣故以為閏也 辰亦聲者當為辰聲

文三 重一

倉

穀藏也倉黃取而藏之故謂之倉從食省口象形

凡之倉屬皆從倉七岡切

本書園謂之困方謂之京廣雅京倉也

高注秦策

及呂氏春秋八月紀並云圓曰困方曰倉

穀藏也者本書無藏字一切經音義藏穀曰倉藏米

曰廩釋名倉茫也茫穀物也越語府倉實注云米粟

曰倉荀子富國篇垣窳倉廩者財之末也注云穀藏

曰倉米藏曰廩淮南精神訓今贛人教倉高云倉藏

穀也 倉黃取而藏故謂之倉者倉藏聲相近倉黃

當為藏黃倉黃徐鍇曰穀孰色倉黃也 從食省者

篆文當作會下有直畫 象倉形者本書舍下

倉黃皆為倉黃
白宜控

口

凡諸國志記思
云口象築也高下云從口與倉舍同意

企 奇字倉

莊君述祖曰逸周書糴匡篇企不滿整企當作企

倉

鳥獸來食聲也從倉升聲虞書曰鳥獸倉倉

七羊切

鳥獸來食聲也者書釋文引作鳥獸求食穀玉篇倉

鳥獸來食穀聲或作倉集韻倉鳥食也 虞書曰鳥

獸倉倉者益稷文彼作踰踰鄭注周禮大司樂引虞

書作倉倉

文二 重一

人

內也象從上俱下也凡入之屬皆從入

人汁切

內也者釋名入納也納使還也書納于大麓論衡感

類篇作舜入大麓周禮媒氏凡嫁于娶妻入幣純帛

無過五兩注云納幣也史記楚世家靈王於是獨傍

隍山中野人莫敢入王魏世家商君亡秦歸魏魏怒

不入

內

入也從門自外而入也

奴對切

說文解字義證 卷十五

入也者字書廣雅並同本書汭水相入也堯典寅餞
 納日傳云日入言送詩十月納禾稼箋云納內也天
 官冢宰叙官職內注云職內主入也春官鐘師納夏
 注云故書納作內大戴禮廟之未納尸也荀子作入
 尸史記作內尸月令無不務內注云內謂收斂入之
 呂氏春秋作務入淮南時則訓令榜人入材葦月令
 作納材葦文十四年公羊傳納者何入辭也成十四
 年左傳衛定公卒夫人姜氏見太子之不哀也不內

酌飲襄九年傳以出內火漢書引作出入書九江內
 錫大龜史記作入錫 從口自外而入也者春秋隱
 二年莒人入向左傳造其國都曰入注云入者逆而
 不順非王命而入人國也檀弓孟獻子禫比御而不
 入注言雖比次婦人之當御者猶不入寢也

入

入山之深也從山從入闕

鉏箴切

入山之深也者穴深聲相近

糴

市穀也從入從糴徒歷切

說文

解字

義

卷之五

七

漢書食貨志糴甚貴傷民甚賤傷農

市穀也者玉篇糴入米也廣雅糴買也莊二十八年

公羊傳告糴者何請糴也何云買穀曰糴魯語君蓋

以名器請糴於齊韋云市穀曰糴

工

完也從入從工

疾緣切

完也者廣雅同本書完全也墨子辭過篇其為舟車

也全固輕利可以任重致遠馥謂全固即完固

全

篆文全從玉純玉曰全

純玉曰全者本書瓚天子用全純玉也考工記玉人

之用天子用全注云玄謂全純玉也本書牲從全云

牛純色

全

古文全

汗簡作彙屬艸部

二

入也兩從此闕

良獎切

文六 重二

缶

瓦器所盛漿酒秦人鼓之以節詠象形凡缶之屬

皆從缶
方九切

瓦器者釋器蓋謂之缶孫炎云瓦器顏注漢書缶即今之盆類也所以盛酒醪者風俗通引同易坎卦六四樽酒簋二用缶禮器五獻之尊門外缶韓非外傳說瓦器至賤也不漏可以盛酒秦人鼓之以節諍者鼓當為鼓風俗通作鼓史記廉頗藺相如列傳趙王竊聞秦王善為秦聲請奉盆缶秦王以相娛樂劉孝標注陸機演連珠云搖頭鼓缶秦之樂也馥

案樂器本用缶易離卦不鼓缶而詒詩宛丘坎其擊缶鄭注易云詩云坎其擊缶則樂器亦有缶淮南說林訓君子有酒鄙人鼓缶新序齊景公飲酒而樂釋衣冠自鼓缶蓋鐵論往者民間酒會各以黨俗彈箏鼓缶而已徐幹中論聽黃鐘之音如擊缶之細樂府雜錄唐太初中有調音律官大興縣丞郭道源善擊缶用越甌邢瓶共一十二旋加減以筋繫擊之其音韻妙於方響

卮又未燒瓦器也從缶散聲讀若甬等同切苦候

讀若甬等同者殷享聲相近甬甬中衣也漢書中山靖王傳今羣臣非有葭享之親注云葭蘆也享者其甬中白皮至薄者也

缶

瓦器也從缶包省聲古者昆吾作缶案史篇讀與

缶同徒刃切

本書甄匋也窯燒瓦竈也埒陶竈窗也陶當為匋 蒼頡篇

瓦家也陶作廣雅匋窯也 商子畫策篇若冶於金匋於

土也 周書神農作瓦器通作陶考工記有虞氏上陶

注云舜至項貴陶器尸子舜之方陶不能利其巷也尚

書大傳舜陶于河濱孟子萬乘室之國一人陶注云使一

人陶瓦器淮南兵畧訓今使陶人化而為埴則不能成

盆益說山訓譬猶陶人為器也搢扶其土而不益厚破

乃愈疾漢書賈誼傳大鈞播物如淳曰陶者作器於鈞

上此以造化為大鈞也顏注今造瓦者謂所轉者為鈞

言造化為人亦猶陶之造瓦耳益錢論庶人器用即行

柳陶歛而已續漢書董卓曰杜陵南山下有孝武故陶處作磚瓦一朝可辨列仙傳陶安公者六安冶師也

瓦器也者詩正義引作瓦器竈也字林甸作瓦器者也玉篇陶作瓦器也淮南時則訓陶器必良高云陶器瓦器史記鄒陽傳獨化於陶鈞之上索隱云韋昭曰陶燒瓦之竈馬注周書梓材云冶土器曰陶古者昆吾作陶者本書壺下云昆吾圜器也尸子夏桀臣昆吾作陶古史考昆吾作瓦呂氏春秋君守篇昆

吾陶一切經音義舜始為陶於河濱世本云夏臣昆吾更增加也左傳衛侯夢於北宮見人登昆吾之觀杜注衛有觀在古昆吾之虛今濮陽城中括地志濮陽縣古昆吾國故城在縣西三十里昆吾臺在縣西百步在顓帝^城內周四五十步高二丈即昆吾虛也郡國志東郡濮陽縣古昆吾國通典濮州濮陽縣即昆吾之墟案史篇讀與岳同者水經注陶丘墨子以為釜丘竹書紀年魏襄王十九年薛侯來會於釜

丘

盥 缶也從缶盥聲 烏莖切

缶也者御覽引作盥也急就篇甌甗甗甗甗甗
注盥甗之大腹者也廣雅盥甗也漢書韓信傳以木
盥渡顏注盥謂甗之大腹小口者也蘇武傳賜武馬
畜服匿穹廬孟康曰服匿如盥小口大腹方底用受
酒酪晉灼曰河東北界人呼小石盥受二斗所曰服
匿通作盥西山經盥以百珪百璧注云盥即古盥字

州字似誤

謂孟也徐州云穆天子傳曰黃金之盥之屬也又通
作瑩方言瑩陳魏宋楚之間曰甗或曰甗燕之東北
朝鮮洺水之間謂之甗齊之東北海岱之間謂之甗
周洛韓鄭之間謂之甗或謂之瑩注云甗所謂家無
甗石之儲者也音儋荷字或作儋史記淮陰侯傳守
儋石之祿者晉灼曰楊雄方言海岱之間名盥盥為
儋列子湯問篇狀若甗甗注云甗甗謂瓦甗也

盥 小口盥也從缶盥聲 池倫切

言文解字集言 卷十五
小口罌也者通作甌廣雅甌瓶也急就篇甌缶盆盞
甌甌壺顏注甌小口罌也天官凌人春始治鑑注云
鑑如甌大口疏云漢時名為甌即今之甕是也

小缶也

從缶音聲

浦侯切

也
小缶也者本書甌甌也方言缶之謂甌甌郭注即盆

甌

甌也從缶并聲

薄經切

甌也者本書甌汲甌也廣韻甌汲水器也集韻北燕

謂甌為甌受一斗方言缶謂之甌甌其小者謂之
甌宣三年左傳閭以甌水沃廷士喪禮新盆盤甌
注云甌以汲水也漢書陳遵傳觀甌之居居井之眉
處高臨深動常近危

甌

甌或從瓦

甌

汲甌也從缶甌聲

烏貢切

汲甌也者易釋文引同本書并下云甌之象也方言
甌謂之甌廣雅甌甌也急就篇壁碧珠璣玫瑰甌顏

注甕汲餅也易井卦甕敝漏又汜注至亦未繙井甕
 其瓶凶坎卦有孚盈缶注云爻辰在未上值東井井
 之水人所汲用缶缶汲器襄九年左傳具綆缶杜云
 綆汲索缶汲器襄十七年傳飲馬於重丘毀其瓶昭
 七年雖傳有挈瓶之知注云挈瓶汲者淮南子古者
 抱甕而汲說苑衛有五丈夫俱負缶而入井灌韭終
 日一區或作甕漢書西域傳有大鳥卵如甕顏注甕
 汲水餅也莊子天地篇子貢過漢陰見一丈人方將

為圃畦鑿隧而入井抱甕而出灌

缶

下平缶也從缶乏聲讀若翳土盍切

下平缶也者集韻類篇引作瓠也又云器中平也廣
 雅斲平也 讀若翳者徐鍇本書讀若簿引翳

罍

備火長頸餅也從缶熒省聲烏莖切

備火長頸餅也者顏注漢書五行志引云備火今之
 長頸餅也廣雅罍瓶也急就篇甗缶盆盞甕罍壺顏
 注罍注長頸餅也馥案襄九年左傳宋災備水器罍

即救火之水器

缸 瓦也從缶工聲 下江切

瓦也者集韻引作瓶廣韻缸嬰缸

鐵 瓦器也從缶或聲 于逼切

鑄 瓦器也從缶薦聲 作甸切

瓦器也者廣韻鑄紡錘案即紡甄詩載弄之瓦傳瓦

紡甄

柔 瓦器也從缶因聲 以周切

瓦器也者廣韻柔瓶也方言柔罌也淮汝之間謂之

柔 因聲者罌因聲相近本書順從因讀若柔

甬 瓦器也從缶需聲 即丁切

瓦器也者廣雅甬瓶也玉篇甬瓦器似甬有耳

鈞 缺也從缶占聲 都念切

缺也者本書別缺也集韻說文鈞缺也謂器之有缺

大雅白圭之玷僖九年左傳引詩白圭之玷四句杜

云言此言之缺難治甚於白圭郭林宗別傳嘗行陳

梁間遇雨故其中一角玷而折

𠄎

器破也從缶決省聲

傾雪切

器破也者本書毀缺也易林甕破缶缺又云缺破不完殘際側偏玉篇缺亦作缺馥案崔鴻後燕錄慕容垂故名霸因墜馬傷齒改名缺外以慕卻缺為名內實惡而思改之尋以識記之文去夫以垂為名決省聲者戴侗引唐本作夫聲

𠄎

裂也從缶虜聲缶燒善裂也

呼迓切

裂也者廣雅同本書罅罅也罅罅裂也周易百果草木皆甲宅鄭注皆讀如人倦解之解解謂罅呼馥案呼火亞切即罅鬼字谷子抵巇篇巇者罅也罅者罅也罅者成大隙也考工記陶人凡陶甌之事髻壑辟暴不入市注云辟彙破裂也史記田敬仲完世家弓膠昔幹所以為合也然而不能傳合疏罅蜀都賦檠栗罅發劉注罅發栗皮圻罅而發也 缶燒善裂也者善讀如漢書岸善崩之善善猶多也

磬

器中空也從缶聲磬古文磬字詩云餅之磬矣

苦定切

器中空也者爾雅釋文引作器中盡也釋詁磬盡也

孫炎曰磬竭盡也詩天保磬無不極宜傳云磬盡也

樂記石聲磬磬磬以立辨注云磬當為磬字之誤也磬

古文磬字者徐鍇本無詩云餅之磬矣小者雅谷

風傳云磬盡也本書空下引詩瓶之空矣

擊

器中盡也從缶擊聲苦計切

器中盡也者釋詁擊盡也

缶

受錢器也從缶聲后古以瓦今以竹大口切又胡講切

受錢器也者古文苑鄒長倩與公孫賢良書撲滿者

以土為器以蓄錢有入竅而無出竅滿則撲之史記

酷吏傳投缶購告言姦集解云徐廣曰缶器名也如

今之投書函中索隱云缶受投書之器入不可出漢

書趙廣漢傳又教吏為缶甬及得投書削其主名顏

注缶若今盛錢臧瓶為小孔可入而不可出或缶或

箭皆為此制而用受書令投於其中也 古以瓦今以竹者銘瓦也箭竹也

文二十一 重一

𠄎 弓弩矢也從入象鏑枯羽之形古者夷年初作矢

凡矢之屬皆從矢 式視切

本書𠄎下云吳古文矢字午下云此與矢同意 釋名矢指也言其有所指向迅疾也又謂之箭箭進也其本曰是矢形似木木以下為本以根為足也其體

曰幹言挺幹也

弓弩矢也者急就篇弓弩箭矢鎧兜鋒顏注以竹曰箭以木曰矢方言箭自閑而東謂之矢孟子矢人注

云矢箭也 象鏑枯羽之形者本書鏑矢鏃也楛矢

楛築弦處釋名鏑敵也可以禦敵也齊人謂之鏃鏃

鏃族也言其所中皆族滅也閑西曰鈺鈺鏃也言有

交其刃也其體曰幹言挺幹也其旁曰羽如鳥羽也

鳥須羽而飛矢須羽而前也齊人曰衛所以導衛矢

也其末曰栝栝會也與弦會也栝旁曰义形似义也
案肅慎氏貢栝矢銘其栝鄉射禮矢在弓下北栝又
云弟子取矢北面坐委于楅北栝家語子路初見篇
子路曰南山有竹不揉自直斬而用之達於犀革孔
子曰栝而羽之鏃而礪之其入之不益深乎 古者
夷牟初作矢者顏注急就篇古^者夷牟作矢三蒼矢
箭^也古者夷牟初作矢郭注山海經引世本作牟夷玉
篇亦作牟夷荀子解蔽篇浮游作矢注云世本夷

牟作矢宋衷注云黃帝臣此云浮游未詳或者浮游
夷牟之別名或聲相近而誤耳

射 弓弩發於身而中於遠也從矢從身^{食夜切}

世本逢蒙作射顧炎武曰左傳成周宣榭火呂大臨考
古圖邢敦銘曰王格于宣榭蓋宣王之廟也榭射堂之
制也其文作邛古射字執弓矢以射之象因名其堂曰
射後從木^作榭其堂無室以便射事故凡無室者皆謂
之榭馥茶釋宮閣者謂之臺有木者謂之榭後人因加

木為榭字 六書故古有僕射之官御射者也

弓弩發於身而中於遠也者本書弓下云以近窮遠

射義射求諸己已正而後發又云射之為言繹也或

曰舍也繹者各繹己之志也故心平體正持弓矢以

審固持弓矢審固射中矣

射

篆文射從寸寸法度也亦手也

矯

揉箭箱也從矢喬聲居矢切

揉箭箱也者李籍注九章算術引同揉當為燥廣雅

矯直也蒼頡篇矯正也漢書貢禹傳矯復古化顏注

正曲曰矯嚴安傳矯箭控弦顏注矯正曲使直也武

五子傳欲矯邪防非顏注矯正也橋與矯同庾信詩

騰猿疑矯箭李善注矯揉也正曲也通鑑中常侍黃

皓用事厥瞻皆不能矯正注云揉曲使直曰矯魏志

陳矯字季弼通作橋考工記弓人橋幹欲孰于火而

無羸橋角欲孰於火而燂荀子橋然端正而無傾側

也漢書諸侯王表橋枉過其正顏注正典曰橋文選

長笛賦擣揉斤械李善引鄭注考工記揉以火擣之
馥案今考工記注作以火槁之

矰

矰射矢也從矢曾聲作滕切

劉逵注蜀都賦雁銜蘆以禦矰繳令不得截其翼也淮
南子曰雁銜蘆而翔以備矰繳馥案說苑銜葭而翔以
備矰弋鷓鴣賦徒銜蘆以避繳抱樸子智禽銜蘆以避
網慎于弩弱而矰高者乘於風也易林大雁列陣
雌獨不羣為罾所牽死於庖人四子講德論但縣曼

矰蒲苴不能以射魯連子弦桿相第而矰矢得高焉

雉射矢也者本書雉繳射飛鳥也馥案雉所以取生
鳥故用繳繳若罾故名矢曰矰廣雅矰箭也一切經

音義繳生絲縷也結繳於矢謂之矰也洪武正韻繳
生絲縷弋箭著之以罾禽足謂之矰繳鷓鴣賦負矰
纓繳李善云繳繫箭線也夏官司弓矢矰矢第矢用
諸弋射注云結繳於矢謂之矰矰高也第之言制也
二者皆可弋飛鳥制羅之也又云田弋充籠箠矢共

矐矢注云矐矢不在箠者為其相繞乱吳語白羽之矐注云矐矢名以白羽為衛楚詞九章矐弋機而在上兮注云矐繳射矢也呂氏春秋真諫篇荆文王得宛路之矐注云矐弋射短矢淮南說山訓好弋者先具繳與矐史記留侯世家雖有矐繳尚安所施集解云徐廣曰繳弋射也其矢曰矐索隱云馬注融周禮云矐者繳繫短矢謂之矐漢書司馬相如傳微矐出爨繳施顏注矐短矢也繳生絲縷也以繳系我矐仰

射高鳥謂之弋射息夫躬傳矐若浮焱動則機兮顏注矐弋射矢也貨殖傳矐弋不施於後隧顏注弋繳射也矐者弋之射也西京賦登豫章簡矐紅蒲且發弋高鴻挂白鷗聯飛龍薛綜注繳射長矢八寸名矐其絲名繳挂矢絲挂鳥上也後漢書班固傳御矐繳注云矐弋矢也繳以繫箭也馬融傳矐婆飛沅注云矐弋矢也通作矐洪武正韻弋射矢亦作矐三輔黃圖次飛其矐繳以射鳧雁箭有綸者曰矐繳繳即綸

也

侯

春饗所射侯也從人從厂象張布矢在其下天子

射熊虎豹服猛也諸侯射熊豕虎大夫射麋麋惑

也士射鹿豕為田除害也其祝曰毋若不寧侯不

朝于王所故仇而射女也

乎溝切

書益稷侯以明之傳云當行射侯之禮以明善惡之教

詩賓之初筵大侯既抗弓矢斯張馬注周禮十尺

曰侯四尺曰鵠二尺曰正四尺寸曰質鄉射禮禮射不

主皮注云主皮者無侯張獸皮而射之主於獲也天子

大射張皮侯賓射張五采之侯燕射張獸侯大射儀

司射西面誓之曰公射大侯大夫射參士射干

春饗所射侯也者大射之皮侯也春饗者春將祭與

諸侯射大夫射取其賢者與共祭事也饗當為高寫

者失之詩賓之初筵箋云射禮有三有大射有賓射

有燕射鄭目錄云名曰大射者諸侯將有祭祀之事與

其羣臣射以觀其禮數中者得與於祭不數中者不

得與於祭射義故天子之大射謂之射侯射侯者射
為諸侯也射中則得為諸侯射不中則不得為諸侯
注云大射將祭擇士之射也射義又云天子將祭必
先射於澤者所以擇士也已射於澤而侯射於澤
宮射中者得與於祭不中者不與得於祭不得與於
祭者有讓削以地得與祭者有慶益以地進爵紕是
也考工記梓人張皮侯而棲鵠則春以功注云皮侯以
皮所飾之侯司裘職曰王大射則共虎侯熊侯豹侯

紕
下音百脫
字

設其鵠謂此侯也春讀為蠢蠢作也出也天子將祭
必與諸侯羣臣射以作其容體出其合於禮樂者與
之事鬼神焉梓人為侯廣與其分參分其廣而鵠居
一焉注云惟大射以皮飾侯大射者將祭之射也其
餘有賓射燕射從尸象張布也者小爾雅廣器射
有張布謂之侯白虎通侯者以布為之何用人事之
始也本正則末正矣夏官射人王大射則以狸步張
三侯大射儀大侯九十參七十干五十注云侯謂所

射布也尊者射之以威不寧侯卑者射之以求為侯
楚詞大招昭質既設大侯張只注云侯謂所射布也
王者當制服諸侯故名布為侯而射之鄉射記乃張
侯注云侯謂所設布也記又云鄉侯上个五尋中十
尺侯道五十弓弓二寸以為侯中倍中以為射倍射
以為左右舌下舌半上舌注云上个象臂下个象足
中人張臂八尺張足六尺五八四十五六三十以此
為哀也凡鄉侯用布十六丈數起侯道五十弓以計

道七十弓之侯用布二十五丈二尺道九十弓之侯
用布三十六丈 天子射熊虎豹云云者泛說侯制
不承春饗也白虎通云含文嘉曰天子射熊諸侯射
麋大夫射虎士射鹿豕天子所以射熊何示服猛巧
佞也熊為獸猛巧者非但當服猛也示當服天下巧
佞之臣也諸侯射麋者示遠麋惑人也麋之言迷也
大夫射虎豹者示服猛也士射鹿豕者示除害也各
取德所能服也大夫士兩射者人臣示為君親視事

身勞苦也或曰臣陰故數偶也三禮射侯圖天子大射虎侯九十步諸侯熊侯七十步鄉大夫豹侯五十步畿內諸侯大射君熊侯九十步卿大夫參侯七十步士豻侯五十步天子鄉大夫射君臣共射一麋侯五十步諸侯鄉大夫亦如之天子及諸侯之士皆無大射參侯者以豹皮為鵠以麋皮為飾參之為言雜也豻侯者以胡犬為鵠亦以為飾又曰天子燕射熊侯諸侯卿大夫虎豹侯諸侯燕射君亦熊侯鄉

大夫亦宜參侯士豕鹿鄉大夫與其臣燕射君臣共射虎豹侯士燕射亦豹宜侯畫虎鹿馬夏官射人以射灋治射儀王以六耦射三諸侯侯以四耦射二侯孤卿大夫以三耦射一侯士以三耦射豻侯鄭司農云三侯虎熊豹也二侯熊豹也豻侯豻者獸名也獸有軀豻熊虎郊特牲虎豹之皮示服猛也論語射不主皮馬融曰天子有三侯以熊虎豹皮為之皇侃曰三獸之皮各為一侯故有三侯也所以用此三獸者

言文解字義疏 卷十五
三獸雄猛今取射之示能伏服猛也天子大射張此
三侯天子射猛虎諸侯射熊卿大夫射豹也大射禮
大侯九十參七十干五十注云大侯熊侯謂之大者
與天子熊侯同參讀為糝糝雜也雜侯者豹鵠而麋
飾干讀為豳豳侯者豳鵠豳飾也疏云畿外諸侯亦
得用三侯諸侯不得用虎豹而以熊侯糝侯豳侯為
三侯天官司裘王大射則共虎侯熊侯豹侯設其鵠
諸侯則共熊侯豹侯卿大夫則共麋侯皆設其鵠注

云侯者所以射也以虎熊豹麋之皮飾其側又方制
之以為臯謂之鵠著于侯中所謂皮侯用虎熊豹麋
之皮示服猛討迷惑者射者大禮故取義衆也大射
儀注云大夫將祭於已射麋侯京房易傳廢正作淫
為火不明則國多麋鄉射記凡侯天子熊侯白質諸
侯麋侯赤質大夫布侯畫以虎豹士布侯畫以鹿豕
其祝曰云云者考工記梓人為侯文彼云祭侯之
禮以酒脯醢其辭曰惟若寧侯毋或若女不寧侯不

屬於王所故抗而射女強飲強食詒女曾孫諸侯百
福大戴禮投壺篇魯命弟子辭曰無荒無傲無倨立
無踰言若是者有常爵嗟爾不寧侯為爾不朝於王
所故亢而射女強食食爾曾孫侯氏百福史記封禪
書萇弘以方事周靈王諸侯莫朝周周力少萇弘乃
明鬼神事設射狸首狸首者諸侯之不來者大射儀
樂正命大師曰奏狸首注云狸首逸詩曾孫也狸之
言不來也其詩有射諸侯首不朝者之言因以名

篇後世失之謂之曾孫白虎通所以名為侯何明諸
侯有不朝者則射之故禮射祝曰嗟爾不寧侯爾不
朝於王所以故天下失業亢而射爾所以不射正身
何君子重同類不忍射之故畫獸而射之史記封禪
書設射狸首漢書郊祀志作設射不來徐廣曰狸一
名不來鄭注大射儀狸之言不來也僖二十八年左
傳公朝於王所

𠄎 古文侯

說文解字 卷十五 三十一

本書疾古文從疾作𦏧

𦏧

傷也從矢易聲式陽切

易聲者本書傷觴並從𦏧省聲此𦏧當作𦏧從矢從

入易聲

短

有所長短以矢為正從豆聲都管切

有所長短以矢為正者月令度有長短國語肅慎氏

貢楛矢長尺有咫 豆聲者短豆聲不相近聲字衍

𦏧

沉也詞也從矢引省聲從矢取詞之所之如矢也

式忍切

沉者也釋言文彼作矧郭云譬况書君爽矧曰其有

能格鄭况注乃曰大禹謨矧兹有苗傳云矧况也書

仲虺之誥矧予之德傳云矧况也詩常棣矧伊人矣

傳云矧况也抑矧可射思賓之初筵矧敢多又箋並

云矧况也 詞也者當云况詞也况下行也字爾雅

疏引作况辭 從矢引省聲從矢取詞之所之如矢

也者當云從矢取詞之所之如矢也引省聲

知 詞也從口從矢陟高切

語也者本書智識詞也識知也

矣 語已詞也從矢呂聲于已切

詞已詞也者廣雅已止也賈公彥曰在上謂之發聲在下謂之助句檀弓勿之有悔焉耳矣徐錯類聚矣者語已詞也詩曰何嗟及矣誰昔然矣語曰賓不顧矣皆事之決絕無奈何者也

文十 重二

高 崇也象臺觀高之形從門口與倉舍同意凡高之

屬皆從高古牢切

崇也者本書崇嵬高也釋詁崇高也 象臺觀高之

形者本書臺觀四方而高者從高省 從門口與倉

舍同意者本書倉下云口象倉形舍下云口象築也

高 小堂也從高省同聲去頴切

同聲者文當為同

頴 高或從广頃聲

亭

民所安定也亭有樓從高省丁聲特丁切

一切經音義漢家因秦十里一亭亭留也 漢書百官

表大率十里一亭十亭一鄉天下凡二萬九千六百三

十五也 漢書典職洛陽二十四街街亭一十二城門

門一亭 魏畧從長安至大秦人民連屬十里一亭

白帖十里五里長亭短亭言十里一長亭五里一短亭

東觀漢記魏馳為桂陽太守鑿山通路列亭置驛

魏策卒戍四方守亭障者參列 漢司書馬相如傳

亭臯千里靡不被築顏注為亭候於臯隰之中千里相

接皆築令平也 顧炎武曰秦制十里一亭十亭一鄉

以今度之蓋必有居舍如今之公署鄭康成周禮遺人

注曰若今亭有室矣故霸陵尉止李廣宿亭下張禹奏

請平陵肥牛亭部處上以賜禹徙亭宅所而漢書注云

亭有兩亭卒一為亭父掌開閉掃除一為求盜掌逐捕

盜賊是也又必有城池如今之村堡韓非子吳起為魏

西河守秦有小亭臨境起攻亭一朝而拔之漢書息夫

言文解字義疏 卷十五
躬歸國未有第宅寄居邱亭姦人以為侯家富常夜守之匈奴傳見畜布野而無人牧者怪之乃攻亭後漢書公孫瓚傳卒逢鮮卑數百騎乃退入空亭是也又必有人民如今之鎮集漢封功臣亭侯是也

民所安定也者亭定聲相近本書埤亭安也亭定息也讀若亭釋名亭亭停也亦人所停集也玉篇亭氏所

安定之為除害也

文有增韻亭道路所舍史記高祖闕誤

本紀為泗水亭長正義云國語有寓室即今之亭也

韋昭雲陽賦八鄉九市亭候三六列樹表塗路有廬

宿風俗通謹案春秋國語有寓望謂今亭也亭民所安定也漢家因秦大率十里一亭亭留也今語有亭侍蓋行旅^旅宿食之所館也亭有樓者風俗通引同

本書亭象城郭之重兩亭相對也顏注急就篇秦漢之制十里一亭亭有高樓可以候望周禮司市上旌於思次鄭注思次若今市亭也鄭司農云次^市中候樓也薛注西京賦旗亭市樓也漢書甘延壽趨踰羽

林亭樓又云蒼梧女子蘇娥行宿鵲巢亭亭長之殺
取其財物埋置樓下益都耆舊傳王忱為郿令止宿
黎亭夜半有女子稱冤曰妾涪令妻也過此亭亭長
殺妾十餘口埋樓下風俗通陽汝陽西門有習武亭
北部督郵到亭上樓宿魏書李崇傳村置一樓置
一鼓盜發之處雙槌亂擊會稽記有白樓亭

合用

京兆杜陵亭也從高省乞聲

有各切

京兆杜陵亭也者錢君大昕曰史記湯起於亳徐廣

曰京兆杜縣有亳亭按殷本紀湯始居亳皇甫謐曰
梁國穀熟為南亳湯所都也書立政有三亳說者以
為湯始居南亳在宋州穀熟縣西南後徙西亳即河
南偃師縣而景亳湯所盟地則宋州北五十里大蒙
城是也三亳非一地要非京兆之亳亭明矣秦本紀
寧公二年遣兵伐蕩社三年與亳戰亳王奔戎遂滅
蕩社徐廣云蕩一作湯社一作杜皇甫謐以為亳王
號湯西夷之國又云周桓王時自有亳王號湯非殷

也封禪書於杜亳有三杜主之祠亦指此蓋京兆之
亳乃戎王號湯者之邑而徐廣以為殷湯所起其不
然乎丁君杰曰說文解字亳京兆杜陵亭徐鍇繫傳
乃云湯都亳杜預釋例在梁國蒙縣西北薄城中有
湯冢凡三亳也與許慎語不相比附近日顧氏炎武
撰日知錄直云許氏訓亳為京兆杜陵亭此地理之
不合者也杰按書立政三亳並在今河南省於禹貢
為豫州之域外有二亳一在直隸北境舜分置幽州

處春秋左氏傳昭公九年王使詹桓伯辭於晉曰肅
慎燕亳吾北土是也一在陝西古雍州城見於史傳
者非一今試舉而陳之史記殷本紀贊曰契為子姓
其後分封一國為姓有北殷氏索隱曰北殷氏蓋秦
寧公所伐亳王湯之後也秦本紀曰寧公二年公徙
居平陽遣兵伐蕩社三年與亳戰亳王奔戎遂滅蕩
社十二年伐蕩氏取之集解曰徐廣曰蕩音湯社一
作杜索隱曰西戎之君號曰亳王蓋成湯之胤其邑

曰湯社徐廣云一作湯杜言湯邑在杜縣之界故曰湯杜也正義曰括地志云雍州三元縣有湯陵又有湯臺在始平縣西北八里按其國在三原始平之界矣六國表曰夫作國者必於東南收功實者常於西北故禹興於西羌湯起於亳周之王也以豐鎬伐殷秦之帝用雍州興漢之興自蜀漢集解曰徐廣曰京兆杜縣有亳亭封禪書曰於社亳有三社主之祠壽星祠集解曰韋服曰亳音湯湯所都瓚曰濟陰薄縣是索隱

曰徐廣云京兆杜縣有亳亭則社字誤合作杜亳且據文列於下皆是地邑則杜是縣案秦寧公與亳王戰亳王奔戎遂滅湯社皇甫謐亦云周桓王時自有亳王號湯非殷也而臣瓚以亳為成湯之邑云在濟陰非也案謂杜亳二邑有三社主之祠也漢書郊祀志曰於杜亳有社主之祠壽星祠韋昭曰亳湯所都也臣瓚曰濟陰亳縣是也師古曰杜即京兆杜縣也此亳非湯都也不在濟陰徐廣云京兆杜縣有亳亭

斯近之矣水經汜水篇注云漢哀帝建平元年大司
空吏卻長卿按行水災因行湯冢在漢屬扶風今徵
之迴渠亭有湯池徵陌是也然不經見難得而詳按
秦寧本紀云二年代湯三年與亳戰亳王奔戎遂滅
湯然則周桓王時自有亳王號湯為秦所滅乃西戎
之國矣於徵者也非殷湯矣通典吉禮諸雜祠曰周
立壽星祠於下杜亳時奉馬又立杜主杜祠祠
漢書郊集
集韻曰亳說文京兆杜陵亭一說湯都也通志都邑

畧曰契封於商後世遷於亳即西亳也成湯受命始
遷於南亳故命以殷至仲丁遷於亳自注亳故京兆
杜縣有亳亭是也杜城今在長安南故司馬遷云禹
興西羌湯起亳也及湯有天下始居宋地復命以
亳今南京穀熟是也此謂之南亳禮畧曰周立壽星
祠於下杜亳時奉馬又立杜主祠三王紀曰契之封
商本上洛後世遷於亳故京兆杜縣亳亭是也司馬
遷云禹興西羌湯起於亳俱在西也及湯有天下始

居於商丘復命以亳梁之穀熟是也路史國名紀曰商氏復亳有五一在杜南陽先世之居自注長安杜南有亳亭有澗水又曰秦寧公二年伐湯三年與亳戰蓋京兆杜亳韻會曰說文京兆杜陵亭是也以上諸條惟六國表注及都邑畧與本事相違然可知京兆杜陵有亳亭非許慎一家之說也若左氏傳肅慎燕亳之亳杜預陸德明無釋孔穎達疏云亳是小國闕不知所在蓋與燕相近亦是中國林堯叟曰三國在

北方顧炎武杜解補正乃引王氏說史記秦本紀寧公與亳戰亳王奔戎皇甫謐云西戎之國以實之則周王當與魏駘芮岐畢五國並列西土不得列於北土矣顧氏經史貫穿地理之學冠絕諸家而不免於誤甚矣考訂之難也

文四 重一

邑外謂之郊郊外謂之野野外謂之林林外謂之川象遠界也凡川之屬皆從川古熒切

邑外云云釋地文彼云郊外謂之牧牧外謂之野郭
注邑國都也假令百里之國五十里之界界各十里
也馥案詩魯頌在坰之野毛傳云坰遠野也邑外曰
郊郊外曰野野外曰林林外曰坰亦無郊外為牧
之文一切經音義引爾雅舊注邑外謂之郊郊外謂
之野野外謂之牧牧外謂之林皆各七里林外謂之
坰無里數所引正文與今本異所引注七里當為十
里本書郊外云距國百里為郊野下云郊外也列子

黃帝篇出行經坰外注云坰郊野之外也徐鍇曰禮
注王者近郊五十里遠郊百里又引司馬注王者百
里為郊二百里州三百里野四百里縣五百里都明
爾雅所言諸侯之國也又周禮載師職國地無征則
地諸侯之邑也園廬二十而稅一則近郊也近郊
十一則野也遠郊二十而三則林也稍甸縣都皆無過
十二則甸也象遠界也者詩洞酌傳云洞遠也駟
傳云坰遠野也

說文解字集註 卷十五
同 古文川從口象國邑

汗簡引作同

從口象國邑者本書邑下云國也從口

同 或從土

川或從土者當云川從土盖川之或體應在同前非

古文或從土也

市

買賣所之也

時止切

世本祝融作市

呂氏春秋勿躬篇祝融作市 古史

考神農作市高陽氏衰市官不修祝融修市 成伯陽

平樂市賦惟市之由興自炎帝之所創 易繫辭神農

氏日中為市致天下之民聚天下之貨交易而退各得

其所蓋取諸噬嗑初學記注云噬嗑卦名也言設法以

合物也 周禮司市掌市之治教政刑量度禁令大市

日側而市百族為主朝市朝時而市商賈為主夕市夕

時而市販夫販婦為主 風俗通市恃也言交易而退

恃以不匱也又云市亦謂之市井言人至市有所鬻

賣者當於井上洗濯令香潔然後到市也或曰古者二十畝為井因井為市故云也 公羊解詁因井田以為市故

俗語曰市井 洛陽記洛陽有三市丹陽記京師有四

市三輔舊事長安有九市 王廣洛陽賦肇建三市廛

開疆域列肆雲曼修層高峙 廟記長安市有九各方

二百六十六步凡四里為一市有令署以察商賈貨財

買賣貿易之事 左思蜀都賦市廛所會萬商之川列

隧百重羅肆巨千財貨山積纒麗景繁 王彪之整市

教近檢校山陰市多不如法或店肆錯乱或商估沒漏

假冒豪強之名擁護貿易之利凌踐平弱之人專固要

害之處 六典京都諸市令掌百族交易之事凡建標

立候陳肆辨物以三價均平市凡賣買不和而權固及

更出開閉共限一價

買賣所之也者御覽引作買賣之所也字鑑同案淮

南說林訓朝之市則走夕^過市則步風俗通市買者

當清且而行日中交易所有夕市便罷無人也釋名

宜下格

市衆所聚管子制地篇市者天地之財具也而萬人之
所和而利也成公綏市長箴貿遷有無市朝有處人
以攸資貨以攸叙各得其所交易而退白帖引禪裕
子云市朝滿而夕虛非朝愛而夕憎也求存故往求
止故去 市有垣者白帖引關市令諸外蕃與緣邊
互市官司檢校其市立籬垣遣人守門又有巷有門
顏延之纂要市巷謂之闌市門謂之闌又有亭有樓
地官遺人五十里有市市有候館注云候館樓可

以觀望者也西京賦廓開九市通闌帶闌旗亭五重
俯察百隧薛注市樓立亭於上廟記長安市夾橫橋
大道市樓皆重屋東觀漢記鍾離意為堂令邑初到
市無屋意出奉錢作屋

市

淫淫行兒從人出口

余箴切

淫淫行兒者後漢書來歙傳注引作兒兒類篇通志
引同玉篇亦作沈兒文選羽獵賦淫淫與與前後要
遮李善注淫淫與與皆行兒也漢書楊雄傳窮兒闕

桂氏書本作從
人出門故王氏以
為不知所據何不
也今改作口是
則是矣而後文
不幾贅乎魯川
附記

與孟康曰允行也後漢馬援傳允豫未決注云允行貌也義見說文來歙傳囂將王元說囂多設疑故允久允豫不決注云允豫不定之意也伏隆傳允豫未決盧植傳未有不允豫奪常者也注云允人行兒也言允豫不能自定也 從人出門者門當為川崔下云佳上欲出川

二徐本皆作從人出門不知桂氏所据何本

央

中央也從大在川之內大人也央旁同意一曰久

也於良切

中央也者玉篇央位內為四方之主也廣雅央中也

詩蕪葭宛在水中央荀子正論篇今人或入其央瀆竊

其豬彘楊倌注央瀆中央也鄭注公食大夫禮凡鼎

冪盖以茅為之長則束本短則編其中央淮南地形

訓中央四達風氣之所通雨露之所會也匡謬正度

俗庭燎篇云夜未央傳云央旦也鄭箋云夜未央猶

言未央央也按秦詩蕪葭篇云宛在水中央禮月令

云中央並是中義許氏說文解字云央中央也一曰

言文解字義證 卷十五 四十七
久是則夜未央者言其未中也未久也今閩中俗呼
二更三更為夜央夜半此蓋古之遺言謂夜之中耳
毛公訓央為旦亦未知出於何典而鄭君直釋云未
渠央不解未渠何義按俗語云未渠央亦言未遽央
遽與渠同言未遽中耳古詩云調弦未遽央即是其
事康成不能指明其事而更曲引未渠云復加以猶
言如博依之說適令學者不曉其意 大人也者大
當為介本書介籀文大亦象人形 央旁同意者本

書旁博也謂四方也又十下云一為東西一為南北
則四方中央備矣 一曰久也者詩釋文引作久也
已也按漢有未央宮其瓦文云長樂未央言樂無已
也武帝李夫人賦惜蕃華之未央言不久也

宥

高至也從佳上欲出川易曰夫乾宥然

胡沃切

高至也者易釋文引同廣韻宥至也高也通作確易
乾卦確乎其不可拔釋文引鄭云堅高之兒虞喜安
天論天確乎在上有長安之形地魄焉在下有居靜

之體又通作霍淮南天文訓太陰在巳曰大荒落高注方萬物熾盛而大出霍然落：大布散司馬相如大人賦霍然雲散 易曰夫乾霍然者繫辭文彼作確鄭氏易贊作霍

文五 重二

亭 度也民所度居也從回象城亭之重兩亭相對也

兩字疑誤

或但從口凡亭之屬皆從亭古博切

本書墉古文從會 通作郭釋名郭廓也 廓落在城外

也蒼頡篇郭城郭也公羊傳郭者何恢郭也注云恢大

也孰城外大郭王肅表夫城之有郭有裏之有表骨之

有皮表裏各異則保障不完皮骨分離則一體不負

度也民^所度居也者亭度穀相近本書癸下云冬時水

土平可揆度也詩皇矣爰究爰度傳云度居也吳越

春秋繇築城以衛君造郭以居人此城郭之始也

從回象城亭之重兩亭相對也者亭謂城樓古者亭

樓通偁旗亭即市樓本書亭有樓是也 或但從口

者當別有篆文作亭

鼓

缺也古者城闕其南方謂之鼓從亭缺省讀若技

物為決引也

傾雪切

缺也古者城闕其南方謂之鼓者鼓缺聲相近闕當為缺公羊解詁天子周城諸侯軒城軒城者缺南面以受過也周禮小胥正樂縣之位王宮縣諸侯軒縣鄭司農云宮縣四面縣軒縣去其一面四面象宮室四面有牆故謂之宮縣軒縣三面其形曲故春秋傳

曰請曲縣繁纓以朝諸侯之禮也後鄭云軒縣去南面辟王也馥案左傳舊注諸侯軒縣闕南方形如車輿五經通義說類宮云諸侯不得觀四方故缺東以南半天子之學故曰類宮說苑衣成則缺衽宮成則缺隅屋成則加錯示不成者天道然也易曰謙亨君子有終吉 缺省讀若技物為決引也者徐鍇本作夫聲決引作夫引

文二

京人所為絕高丘也從高省一象高形凡京之屬皆

從京舉卿切

人所為絕高丘也者釋丘絕高謂之京郭云人力所作李巡云丘之高大曰京元和郡縣志京者人力所為絕高丘也亦云非人力所為者人力所為者若公孫瓚所築易京是也非人力所為者若滎陽京索是也廣雅四起曰京詩公劉乃觀於京箋云絕高謂之京定之方中景山與京傳云京高丘也皇矣依其在

京傳云京大阜也甫田如坻如京傳云京高丘也襄二十五年左傳辨京陵注云絕高曰京圖經京口其城因山為壘緣江為境爾雅曰丘絕高曰京因謂之京口馥業九經字樣京人所居高丘也本書丘土之高也非人所為也淺學因京觀人所築改本書人所居作人所為以合郭注馥業謂積尸合土築之似京故曰京觀不得謂京亦築也風俗通謹案爾雅丘之絕高大者為京謂非人力所能成乃天地性自然也

春^秋左氏傳莫之^與京國語趙文子與叔向遊於九京今
京兆京師義取於此馥謂此漢人之說較郭注為可
依據 一象高形者戴侗引蜀本曰巾聲馥案淺或
從遴與京從巾聲同

就

就高也從京從尤尤異於凡也疾儼切

就高也者孟子為高必因丘陵九經字樣京人所居
高丘^也就字從之馥按此言人就高以居也 尤異於
凡也者京高不與衆同也本書尤異也

高

籀文就

文二 重一

高

獻也從高省曰象進孰物形孝經曰祭則鬼高之

凡高之屬皆從高許兩切又普庚切 又許庚切

獻也者釋詁文舍人云獻食物曰高本書獻犬肥者
以獻之差進獻也廣雅獻進也易大有公用享於天
子注云享獻也書洛誥汝其敬識百辟享亦識其有
不享傳云奉上謂之享徐鍇曰尚書曰高多儀儀不

言文解字義 卷十五
及物惟曰弗高獻也獻於上也詩天保是用孝享
載見以孝以享傳並云享獻也楚茨以享以祀箋云
享獻烈祖以假以享箋云高獻也殷武莫敢不來享
箋並云享獻也宣十六年左傳享有體薦注云享則
半解其體而薦之昭三十二年穀梁傳諸侯不享覲
范云享獻也吳語明紹享於一人注云享獻也聘禮
受享束帛加璧注云享獻也周禮大行人廟中將幣
三享鄭云三享三獻也曲禮五官致貢曰享注云享

獻也月令以共皇天上帝社稷之饗注饗獻也

曰象進孰物形者方言羞熟也注云熟食為羞經典
借為高煮方言享熟也嵩嶽以南陳穎之間曰享禮
運以享以炙注云享煮之鑊也家語問禮篇以烹以
炙注之煮之曰烹 孝經曰祭則鬼享之孝治章文

享 篆文高

玉篇云籀文

高 羊孰也從高從羊讀若純一曰鬻也 常倫切

說文解字義林 卷十五 五十三
一日鬻也者其義未聞茶粥象孰飪五味氣上出也
疑鬻或粥之誤本書孰食飪也

𦉳 篆文𦉳

𦉳

厚也從音竹聲讀若篤

冬毒切

本書築古文作𦉳疑從此𦉳釋名篤築也築堅實稱也
厚也者釋詁文作𦉳彼篤𦉳厚聲相近厚當作𦉳本書
毒古文從刀𦉳𦉳當作此𦉳𦉳毒並訓厚音義同
讀若篤者書武成公劉克篤前烈傳云能厚先人之

業詩篤公劉大明篤生武王傳並云篤厚維天之命
曾孫篤之傳云成王能厚行之也論語君子篤於親
色氏曰君能厚於親屬又云篤信好學皇侃曰令篤
厚於誠信而好學先王之道又云博學而篤志孔安
國曰廣學而厚識之也皇侃曰篤厚也文十八年左
傳明允篤誠杜注厚篤也宣十二年傳君子篤於禮
而薄於利中庸必因其材而篤焉表記篤以不揜鄭
注並云篤厚也漢耿勲碑寵存贈𦉳篤之至也

合旨 用也從昌從自自知其臭香所食也讀若庸余封切

用也者易王用享於岐山書微子今殷民乃攘竊神

祇之犧牲牲用夏小正丁亥萬用入學傳云謂今時

大舍菜也汲冢周書用紂於南郊論語雖欲勿用山

川其舍諸春秋成十七年用郊公羊云或曰用然後

郊僖十九年邾人執曾子用之穀梁傳用之者叩其

鼻以衄社趙氏集傳用之同於牲也伍輯之從征記

臨沂厚丘間有次睢里社常以人祭襄公使邾子

用鄆子處相承雇貧人命齋潔祭時縛着社前如見

牲犧春秋昭十一年楚子師滅蔡執蔡世子及以歸用

之左傳楚子滅蔡用隱太子於岡山公羊傳用牲於

社又云於其歸焉用是乎河左傳平子伐莒取郟獻

俘始用人於亳社又介葛盧聞牛鳴曰是生三犧皆

用之矣又賓孟見雄雞自斷其尾侍者曰自憚其犧

也遽歸告王曰雞其憚為人用乎說苑韓褐子濟於

河津人告曰夫人過於此者未有不快用者也而子

引書及夏小正中間疑有脫誤

不用乎韓褐子曰天子祭海內之神諸侯祭封域之內大夫祭其親士祭其祖禰褐也未得事河伯也自知臭香所食也者集韻引所下闕一字馥謂當是以字本書口所以言食也古所以言也自鼻也書召誥自服於土中鄭注自用也酒誥庶羣自酒腥聞在上傳訓自為用

文四 重二

𠂔 厚也從反高凡𠂔之屬皆從𠂔 胡口切

徐鍇部叙云高必滿故次之以畐畐滿也滿厚故次之以𠂔其本𠂔在畐下

厚也者論語民德歸厚矣

𠂔 長味也從𠂔馥省聲詩曰實覃實吁 徒舍切

長味也者本書醇從此云酒味苦也廣雅覃長也

詩葛之覃兮傳云覃延也馥菜延亦長也 詩曰實

覃實吁者大雅生民文彼作訃

𠂔 古文覃

厚 篆文厚省

厚 山陵之厚也從阜從厂胡口切

山陵之厚也者本書竺下云厚也二地之數也釋名
阜厚也詩謂地盖厚賈注國語阜厚也中庸博厚配
地韓詩外傳地設其厚而山陵成名隱元年左傳厚
將崩杜注厚謂土地廣大非衆所附雖厚必崩傳
又云楚閭城之高厚隱三年穀梁傳厚曰崩范云沙
鹿崩 從阜從厂者當有阜亦聲三字

厚 古文厚從后土

從后土者詩甫田以社以方傳云社后土也檀弓國
亾大縣邑君舉而哭於后土僖十五年傳左履后土
而戴皇天

文三 重三

富 滿也從高省象高厚之形凡富之属皆從富讀若

伏房六切又房逼切

滿也者福從此福備也備則充實而滿矣 象高厚

之形者本書富厚也

𠄎

善也從畝省亾聲

呂張切

善也者廣雅同詩日月德音無良鵠之奔之人之無
良傳並云良善也黃鳥箋云三良三善臣也又蟋蟀良
士瞿之白華之子無良桑柔維此良人墓門夫也不
良角弓民之無良常棣每有良朋箋並云良善也天
官玉府凡良貨賄之藏司裘中秋獻良裘月令莫不
質良又毋或不良曾子問有慈母良鄭注並云良

善也公羊傳寡人無良邊垂之臣注云良善也 從

畝省者古印文作

𠄎

古文良

汗簡引作

𠄎

亦古文良

𠄎

亦古文良

文二 重三

𠄎

穀所振入宗廟菜盛倉黃而取之故謂之盲從

入回象屋形中有戶牖凡亩之屬皆從亩力甚切

廣雅廩倉也 本書圖謂之困方謂之廩 地官叙官

廩人注云藏米曰廩馥按月令章句穀藏曰倉米藏曰

廩詩正義云對文則藏米曰廩藏粟曰倉其散即通也

管子臣乘馬篇謂農夫曰幣之在于者以為穀而廩

之州里孟子父母使舜完廩注云完治廩倉 子華子

合升勺龠合以登之斛廩則成矣 公羊傳周公盛魯

公燾羣公廩 說苑稼生於田而藏於廩 唐六典

太倉令掌九穀廩倉藏之事 通作稟者晉語若稟而

棄之是焚穀也其稟不材是穀不成也

穀所振入宗廟菜盛者菜當為齎文十六年左傳振

廩同食淮南時則訓藏帝藉之收於神倉天官甸師

掌帥其屬而耕耨王藉以時入之以共齎盛注云齎

盛祭祀所用穀也地官廩人大祭祀則共其接盛注

云大祭祀之穀藏藉田之收藏於神倉者也月令季秋

之月藏帝藉之收於神倉注云重菜盛之委也帝藉

所耕千畝也藏祭祀之穀為神倉祭義是故昔者天子為藉千畝冕而朱紘躬秉耒諸侯為藉百畝冕而青紘躬秉耒以事天地山川社稷先古以為醴酪齊盛於是乎取之敬之至也注云藉藉田也先古先祖春秋桓十三年御廩災公羊云御廩者何梁盛委之所藏也何云黍稷曰梁在器曰盛委積也御者謂御用於宗廟廩者釋治穀名范甯云御廩藏公親所耕以奉梁盛之倉也周語宣王不藉千畝號文公諫

曰夫民之大事在農上帝之梁盛於是乎出又云廩於藉東南鍾而藏之賈注廩御廩一名神倉鍾聚也謂為廩以藏王所藉田以奉盥盛漢書昭帝紀朕虛倉廩顏注倉新穀所藏也廩穀所振入也百官公卿表有廩犧令丞尉顏注廩主藏穀犧主養牲皆所以供祭祀也風俗通孝文帝二年正月詔曰農者天下之本其開藉田朕躬帥耕以給宗廟梁盛三輔黃圖長安城東出第二門曰藉田門以門內有藉田倉晉

武帝詔古之聖王躬耕帝藉以供宗廟之粢盛宋太祖詔古者躬耕帝藉敬供粢盛通鑑唐明皇種麥於苑中帥太子以下親往芟之謂曰此所以薦宗廟故不敢不親唐六典藉田所收九穀納於神倉以供粢盛詩豐年亦有高廩傳云廩所以藏盛之穗也明堂位米廩有虞氏之庠也注云魯謂之米廩虞帝上孝今藏粢盛之委焉外傳有虞氏之學亦謂之米廩注云藏躬耕之穀於學中供祭祀 倉黃而取之

故謂之黃者本書蒼下云來者黃而藏之倉下云倉黃取而藏之故謂之倉沈德潛曰人以忙遽為倉皇然古人多以作蒼黃少陵詩形勢反蒼皇又云蒼黃已就長途往柳州詩蒼黃見驅逐無作倉皇者蒼皇二字應是後人誤用通鑑魏帝獲麋鹿詔發車運之古弼表曰今秋穀懸黃麻菽布野豬鹿竊食烏雁侵費風雨所耗朝夕三倍乞賜矜緩使得收戴馥案取者詩伐檀不稼不穡胡取禾三百困兮 回象屋形

廣韻倉有屋曰廩

廩 𠂔或從广從禾

或從广從禾者疑但從广作廩隸體因稟加禾篆又因隸而誤

稟 賜穀也從𠂔從禾筆錦切

賜穀也者後漢書光武紀注引同廣雅稟祿也又云稟予也廣韻稟供穀又與也增韻云禮記中庸既稟稱事古者給人以食取之於倉廩故因稱稟給急就

篇稟食縣官帶金銀顏注稟食縣官官給其食也王

氏補注稟賜穀也漢書縣官謂天子也史記平準言

衣食仰給縣官索隱云夏家王畿內名縣內即國都

也王者官天下故曰縣官淮南原道訓收聚畜積而

不加富布施稟授而不益貧漢書貢禹傳稟食大官

西域傳諸國稟食得以自贍益缺論廣屋大第坐稟

衣食應璩與劉靖書鰥寡孤獨蒙稟賑之食素山松

後漢書樂人見盆子叩頭言飢盆子使中黃門稟之

粟數升後漢書光武紀其命郡國有穀者給粟北史
 魏太和四年賜天下貧人^者一戶之內無雜財穀帛
 粟一年晉太康起居注詔曰尚書萬事之本而粟秩
 檢薄甚非治體其依令僕給尚書各親信五十人粟
 賜晉書文帝紀粟軍士大豆人三升百官表注右丞
 主粟賜門戶租布北堂書鈔尚書僕射掌授粟假錢
 穀唐六典司農少卿為之貳凡京都百官吏祿粟皆
 仰給焉通鑑神策軍士竄名軍籍厚得粟賜注云粟

賜猶言給賜也

亶

亶

多穀也從亶旦聲

多旱切

多穀也者釋詁亶厚也馥謂多穀亦厚藏也六書故
 書曰誕告用亶其有衆又曰亶聰明作元后孔氏曰
 誠也詩云亶其然^乎又曰祈^父亶^父不聰又曰擇三
 有事亶侯多藏毛^氏曰誠也按亶亶庚之實許氏
 所謂多穀也故毛孔訓以誠通作單詩俾爾單厚又
 於緝熙單厥心傳並云單厚也又通作儻詩桑柔逢

天俾怒傳云俾厚也釋文云俾本亦作亶同

美字似不當從火

𠂔

𠂔也從口亶亶受也

方美切

𠂔也者本書圖下云𠂔難意也通作鄙論語使驕且
𠂔注云𠂔鄙𠂔也漢書董仲舒傳或仁或鄙後漢書
黃憲傳同郡陳蕃周舉嘗相謂曰時月之間不見黃
生則鄙𠂔之萌復存乎心西征賦方鄙𠂔之憤悁南
史陸慧曉傳劉瓛至吳謂人曰吾聞張融與慧曉並
宅其間有水此必有異味故命駕往酌而飲之曰飲

此水則鄙𠂔之萌盡矣何遜七召既夷志於坎壈亦
忘懷於鄙𠂔昭明太子陶淵明集序馳競之情遣鄙
𠂔之意祛 亶受也者書說命臣下罔攸稟令傳云
稟受也漢書文帝紀史稟當受鬻者又大月氏國不
屬都護為冒頓所破乃西擊大夏而臣之共稟漢使
者顏注同受節度也

𠂔

古文𠂔如此

文四 重二

言文解字義疏 卷十五
吝 愛吝也從來從吝來者吝而藏之故田夫謂之吝

夫凡吝之屬皆從吝所力切

方言吝積也注云吝者貪故為積又云吝貪也荆汝江

湘之郊凡貪而不施謂之吝 廣雅吝貪也 易說卦

坤為吝吝 書湯誓稽事史記作吝 詩譜魏君吝且

褊急 詩葛屨序其君儉吝褊急 襄二十六年左傳

夫小人之性釁於勇吝於禍注云吝貪也 韓策公仲

吝於則 漢書王莽傳牲實遴吝 續漢百官志鄉小

則字檢

者縣置吝夫一人注引風俗通吝者省也 魏畧曹洪

家富而性吝 南齊書王琨傳琨性既古慎而儉吝過

甚 圖經邕州人俗怯吝 通作稽詩桑柔好是稼稽

箋云但好任用是居家吝吝於聚斂作力之人釋文云

稽本亦作吝尋鄭家吝二字本皆無禾者僖二十一年

左傳務稽勸分杜云稽儉也襄四年傳民狎其野稽人

成功

愛吝也者廣韻五音集韻並引作愛畧范應元注老

說文解字義疏 卷十五 六十四

子嗇愛惜之義謚法嗇於賜與曰愛昭元年在傳大國省嗇而用之注云稽愛也晏子稱財多寡而財用之富無金藏貧不假貸謂之嗇積多不能分人而後自養謂之吝不能分人又不能自養謂之愛故夫嗇者君子之道吝愛者小人之行也通作色韓詩外傳聖人不淫佚侈靡者非鄙夫色而愛財用也來者盲而藏之者太元園則机柅方則嗇去注云園謂天方謂地易曰坤為去主嗇收藏此之謂也月令章句

十月農人事畢五穀既登家家儲蓄王粲務本論野積踰冬奪者無罪場功過限竊者不刑所以競之於閉藏也故田夫謂之嗇夫者書大誥若稽夫予曷敢不終朕畝老子治人事天莫非嗇夫王弼注嗇農夫夏小正嗇人不從用魏公九錫文嗇民昏作徐錯本有一曰棘省聲五子戴侗引蜀本一說從棘省聲馥謂牆籀文從二來二來為二束

畚 古文畚從田

說文解字卷之五
從田者所謂田夫謂之耆夫

塙

垣蔽也從耆井聲

才良切

垣蔽也者李善注鄒陽獄中上書引同本書垣牆也
廣雅牆垣也急就篇泥塗堊墜壁垣牆顏注牆郭也
所以自郭蔽也釋宮牆謂之墉郭注引書既勤垣墉詩
無踰我牆傳云牆垣也昭元年左傳人之有牆以蔽
惡也論語語譬諸宮牆郭鄭屏也

𦉳

籀文從二禾

𦉳

籀文亦從二禾

①亦從二來者當為二束

文二 重二

來

周所受瑞麥來粦一來二縫象芒束之形天所來
也故為行來之來詩曰詒我來粦凡來之屬皆從

來洛哀切

本書秣齊謂麥秣也廣韻作𦉳又作𦉳云小麥廣雅小

麥𦉳

周所受瑞麥來辨一來二縫象芒束之形天所來也者御覽引云周所來受牟也一麥二縫象其芒刺之形天所來也詩正義引云周受來牟也一麥二牟象其芒刺之形天所來也二書所引並無瑞麥及故為行來之來八字董彥遠謝除正字啟知一束二縫之為來閔康侯注云說文^來字云一束二縫又案廣志虜小麥似大麥形有二縫埤蒼秣辨之麥一麥二稔周受此瑞麥詩生民誕降嘉種傳云天降嘉種本書

秬下引此詩而說之云天賜后稷之嘉穀也馥謂天所來即此意又案夏小正來降燕傳云來者何也莫能見其始出也故曰來降詩曰貽我來粢者周頌思文文彼作詒我來牟箋云武王渡孟津白魚躍入於舟出涘以燎後五日火流為烏五至以穀俱來此謂詒我來牟臣工於皇來牟將受厥明明昭上帝迄用康年箋云於美乎赤烏以牟麥俱來故我周家大受其光明謂為珍瑞天下所休慶也此瑞乃明見於天

召恐是名之為

至今用之有樂歲五穀豐熟書大誓惟四月太子發
上祭於畢下至於孟津之上升舟中流白魚入於王
舟王跪取出俎以燎之至於五日有火自上復於下
至於王屋流之為鴈其色赤其聲魄五至以穀俱來
書緯合符后注云五至猶五來不知為一日五來為
當異日也鄭注五日燎後日數王屋所在之舍上流
猶變也鴈當為鴉鴉烏也燎後五日而有火為烏天
報武王以此瑞書說曰烏有孝召武王卒父業故烏

瑞臻赤周之正穀記后稷之德又禮說曰武王赤烏
穀苾應周赤尚用兵王命曰為牟天意若曰須假紂
五年乃可誅之武王即位此時已三年矣穀盖牟麥
也詩云詒我來牟漢書楚王傳周頌曰飴我釐麩釐
麩麥也始自天降此皆以和致和獲天助也顏注釐
讀與來同馬融書傳叙大誓得後案其文似若淺露
火復於上至王屋流為鴈五至以穀俱來神怪得無
在子所不語中乎孔叢執節篇魏王問子順曰寡人

聞昔者上天神異后稷而為之下嘉穀周以遂興答
曰天雖至神自古及今未聞下穀與人也詩美后稷
能大教民種嘉穀以利天下故詩曰誕降嘉種猶言
書所謂稷降播種農殖嘉穀皆說種之其義一也陳
啟源曰詩詒我來牟及臣工篇皆特舉來粦不旁及
餘穀與他詩泛種稱嘉種語意自殊則赤烏銜穀之
祥不得以涉於符瑞而概斥其誣也

𥝱

詩曰不糗不來從來矣聲林史切

詩曰不糗不來者詩無此文爾雅釋訓不俟不來也
郭注不可待是不復來或作𥝱楚詞思美人揚厥馮
而不𥝱王注思舒憤懣無所待也

𥝱

糗或從彳

文二 重一

麥

芒穀秋種謂厚蘊故謂之麥麥金也金玉而生火

王而死從來有種者從久凡麥之屬皆從麥莫獲切
孝經援神契黑墳宜黍麥 淮南子濟水通河宜麥

不宜居中寫

夏小正三月祈麥實傳云麥實者五穀之先見者故急
祈而記之也 汜勝之書麥早種穗強而有節晚種穗
小而少實 呂氏春秋審時篇得時之麥桐長而莖黑
二七以為行而服薄糕而赤色稱之重食之致香以息
使人肌澤且有力如此者不蚰蛆先時者暑雨未致_至附
動蚰蛆而多疾其口口以節後時者弱苗而穗蒼狼薄
色而美芒 漢書武帝紀遣謁者勸其水災郡種宿麥
顏注秋冬種之經歲乃熟故云宿麥 食貨志董仲舒

說上曰春秋它穀不書至於麥禾不成則書之以此
見聖人於五穀最重麥與禾也今閩中俗不好種麥是
歲失春秋之所重而捐生民之具也願陛下幸詔大司
農使閩中民益種宿麥令毋後時顏注宿麥謂其苗經冬
本草圖經凡麥秋種冬長春秀夏實具四時中和之
氣故為五穀之貴

芒穀者本書穰芒粟也來象芒束之形玉篇麥有芒
之穀 秋種厚糞故謂之麥者麥糞聲相近月令仲

文麥金也三說各異蓋許以時鄭以形而素問以功性故立論不同耳 從來者九經字樣來粦之麥自天而來故從來 有穗者從夂從者徐錯曰夂若穗自後躡之也馥按九經字樣云麥其下從夂行來之兒也

粦

來粦麥也從麥牟聲

莫浮切

來粦麥也者初學記引作周所受來粦也玉篇粦春麥也廣韻粦大麥又短粒麥廣雅大麥粦也白帖來

粦大麥也始自天降陶注本草大麥云今稞麥一名粦麥似穰麥惟皮薄耳吳普曰大麥一名穰麥五穀之長也呂氏春秋任地篇孟夏之昔殺三葉而獲大麥注云大麥旋麥也趙注孟子粦麥大麥也通作牟詩貽我來牟傳云牟麥也又或作麥韓詩章句麥大麥也後漢書班固傳昔姬有素雉朱烏玄秬黃麥之事耳注云黃麥麥也謂赤烏銜牟麥而至也

𪔐

粦或從艸

𪎭

堅麥也從麥氣聲乎沒切

通鑑唐兵圍洛陽城中糠覈不充新字林豆中小硬者為癖馥謂覈亦癖類

堅麥也者程君瑤曰曰癖與覈通漢書或謂陳平肥嫂曰食糠覈耳注孟康曰覈麥糠中不破者也晉灼曰覈音紇京師人謂麤麤屑為紇頭廣韻引漢書作食糠覈玉篇亦曰覈堅麥也引孟康說以證之說文釋糖為麥覈屑釋類為小麥屑之覈竝是物也以覈

之屑言之謂之糖即麸也故廣韻云麸糖也以屑之覈言之謂之類故玉篇云類麤麥屑也馥按覈或作穉廣韻穉麥穉不破又作穉集韻穉穀糠不破者覈或作粒類篇粒堅麥也列子食則粢糲注云粢味類粒米不碎

𪎭

小麥屑之覈從麥貞聲蘇果切

小麥屑之覈者集韻麥全曰覈玉篇類麤麥屑廣雅類類也四民月令五月至後糴類類曝乾至冬可糞

馬吳書素術問厨下尚有麥屑三十斛三國典畧建
康令孔與以麥屑為飯用荷葉裹之以給兵士陳書
張昭弟乾父卒兄弟日惟食一升麥屑粥

𥝵 礪麥也從麥𥝵聲一日擣也昨荷切

礪麥也者礪當為礪本書礪碎也廣韻𥝵穀麥淨也
一日擣也者或作𥝵廣韻𥝵擣也廣雅𥝵舂也

𥝶 小麥屑皮也從麥夫聲甫無切

小麥屑皮也者一切經音義𥝶麥皮也或作𥝶晉書

五行志麥𥝶粗穢其精已去延篤學與李文德書吾
食赤烏之𥝶麥

𥝷 𥝶或從甫

𥝸 麥末也從𠂔聲彌箭切

麥末也者類篇引作麥屑末也末當為𥝸本書穢
也玉篇𥝸𥝸麥𥝸也廣雅穢謂之𥝸蒼頡解詁𥝸
細𥝸𥝸也束哲𥝸賦重羅之𥝸塵飛雪白素淑俳諧
集廬山公九錫文嘉麥既熟實須精𥝸負磨回衡迅

言文解字新詁 卷十五 五十四
若轉電惠我衆庶神祇獲薦通鑑晉惠帝太子全西
園買葵菜藍子鷄麪注云麪屑麥為之

麪

麥屑

也十斤為三斗從麥帝聲

直隻切

麥覈屑也者一切經音義今關中謂麥屑堅者為麪
頭江南呼為麪子廣雅麪糲也 十觔為三斗者九
章算術今有粟一斗欲為小麪問得幾何答云為小
麪二升一十分升之七李籍音義云麪麥屑也

糲

煮麥也從麥豐聲讀若馮

敷戎切

煮麥也者春秋繁露祭義篇夏上尊實尊實糲也有
司徹糲黃坐設於豆西注云糲熬麥也天官籩人朝
事之籩其實糲黃鄭司農云熬麥曰糲荀子富國篇
午其軍取其將若撥糲之麥牙藥也賈誼書食麟餃
馥案麟饅餅字從麥疑麟為豔之譌 讀若馮者
後鄭注籩人職云今河間以北煮種麥賣之名曰達
五音集韻聲煑麪也

麥

甘鬻也從麥去聲

上據切

說文解字

卷十五

五十四

五十四

麥甘鬻也者字書同御覽引作白煮也廣雅麩麥粥
 汁蒼頡篇麩煮麥釋名煮麥曰麩麩亦齧也煮熟則
 齧壞也急就篇甘麩殊美奏諸君顏注甘麩者煮麥
 為甘粥也荀子富國篇冬日則為之饘粥夏日則為
 之瓜麩注去麩者麥飯也

麥

餅籩也從麥聲讀若庫空谷切

餅籩也者餅或為餅玉篇餅索餅也風土記酒則五
 餅贊夏廣雅麥麩也方言麥麩款麩也自閩而西秦

幽之間曰麥晉之舊都曰對齊右河濟曰款麩其通
 語也漢書李陵傳隨而媒藥其短顏注齊人名麩餅
 曰媒漢晉春秋愍帝在長安糧盡太倉有麩數十餅
 屑之為粥以供奉齊民要術凡作三斛麥麩法蒸炒
 生各一斛種各別磨合和之其餅麩手團二寸半厚九
 分又云河東神麩法餅如丸麩方範作之嶺表錄異
 南中醞酒先用諸藥別濁漉粳米漉乾旋入藥和米
 搗熟熱水漉而團之形如餠餠以指中心刺作一竅

布於簟席上以枸杞葉罨之候好一如造麵法既而
籐篾貫之懸於烟火之上每醞一斗用幾個餅子固
有恒準矣南中地煖春冬七日熟秋夏五日熟既熟
貯以瓦甕用糞帚火燒之 讀若庫者庫聲不相近
當為屢爾雅蟹天蟻殼婁聲近

𪗇

餅籩也從麥欠聲

戶八切

餅籩也者見方言廣雅款麪也

𪗈

餅籩也從麥才聲

昨哉切

餅籩也者見方言廣雅對麪也

文十三 重二

𪗉

行遲曳久久象人兩脛有所躑也凡久之屬皆從

久楚危切

行遲曳久久者遲當為律本書律久也後下云久者
後也復從久云行遲也玉篇久行遲兒易蹇卦往蹇
來連釋文云鄭如字遲及之意通作綏詩雄狐綏綏
玉篇引詩作及及 象人兩脛有所躑也者徐鍇說

三及皆疑有少筆誤

此乃似亦誤

以下凡及皆謬
作及形似其刃
之刃宜其改正

麥字云從及若穗自後躡躡之也

𠄎

行及及也一曰倨也從及

及允散七倫切

行及及也者本書趨下云趨趨也通作跋西京賦大
雀跋跋五臣注跋跋行走貌一曰倨也者本書跋
下云及倨也

𠄎

行故道也從及高聲

房六切

行故道也者通作復釋言復返也小爾雅廣言復還
也易復卦反復其道七日來復利有攸往釋文云復

反也還也離卦復反也書舜典卒乃復傳云復還也

鄭注復歸也巡守禮畢乃返返歸矣詩我行其野言

歸斯復傳云復返也黃鳥復我邦族箋云復反也論

語信近於義言可復也哀十六年左傳吾聞勝也好

復言復言非信也杜云言之所許必欲復行之不顧

道理春秋宣八年公子遂如齊至黃乃復昭二年公

如晉至河乃復杜云晉人辭之故還桓五年左傳淳

公如曹度其國危遂不復杜云國有危難不能自安

故出朝而遂不還閔二年傳金玦不復應劭曰復反也襄二十八年傳引易迷復凶杜云復止也昭元年傳鄭伯如晉中及雍乃復公羊傳復國不討賊何云復反也禮檀弓復禮愛之道也注云復謂招蒐庶幾其精氣之反玉藻親老出不易方復不過時注云復反也通鑑光武封禪事畢乃復道下注云謂復故道而下山也謝靈運斤竹澗謂詩川渚屢徑復

夔 越也從夂從夨夨高也一曰夔倅也力膺切

引成二年傳疑有詢字

通作陵書畢命以蕩陵德隱三年左傳少陵長成二年傳齊侯親鼓士陵城三百又通作凌桓五年左傳君子不欲多上人况敢凌天子乎文選嵇康詩凌厲中原李善引劉歆遂初賦登句注以凌厲長笛賦薄湊會而凌節兮李善云凌乘也

越也者李善注羽獵賦引同左傳敢隕越於下學記不陵節而施之謂孫注云陵躡也史記秦始皇本紀陵水經地正義云陵歷也 夨高也者本書陸高平

言文解字義
卷之五
地陵大阜也徐鍇本達下云壘高也 一曰交倅也
者通作陵遲荀子宥坐篇百仞之山任負車登焉何
則陵遲故也注引王肅曰陵遲陂池也說苑百仞之
山童子升而游焉陵遲故也史記平準書選舉陵遲
又云仁義陵遲鹿鳴刺焉淮南子山以陵遲故能高
魏上尊號碑漢朝雖承季末陵遲之餘又通作陵夷
漢書成帝紀日以陵夷蓋鐵論嚴牆三仞樓季難之
山高千雲收牧豎登之故峻則樓季難三仞陵夷則

牧豎易山顛

送

送詣也從及從至 陟利切

送詣也者一切經音義引作送詣曰致又三引蒼致
到也又與也徐鍇曰左傳叔孫如宋致女又齊使來
致郟皆送致之也文六年左傳盡具其帑與其器用
財賄親帥扞之送致諸竟十二年傳不腆先君之敝
器使臣下致諸執事漢書文帝紀賜物及當臬鬻米
者丞若尉致顏注致者送至也通鑑黃皓謂敵終不

自致注致詣也送也

憂

和之行也從又息聲詩曰布政憂憂於求切

和之行也者通作優釋訓優優和也管子小匡篇人君唯優與不敏為不可注云優謂逶隨不斷陳啟源曰詩優哉游哉慎爾優游監本注疏作游優馥案說文憂和之行也優游意亦近和豈後世以憂代息因加彳旁於憂以相別繼又優因優形溷遂遂并優於優與詩曰布政憂者商頌長發文彼作敷政優傳云

優優和也成二年左傳昭二十年傳引詩並作布政

優、杜優云優和也

優

行兒從又悉聲烏代切

從又悉聲者本五經文字引作作无從心從又戴侗引唐本同

屣

行屣屣也從又闕讀若僕皮卜切

行屣屣也者集韻屣行促迫也讀若僕者所謂僕僕道途也

鞀 鞀也舞也樂有章從章從夊從夊詩曰鞀：舞我

苦感切

玉篇鞀和悅之響也 通作坎詩宛丘坎其擊鼓傳云

坎：擊鼓散漢書南塞越禱祠太乙作坎侯坎擊也應

劭曰取其坎：應節也風俗通謹案漢書孝武皇帝賽

南越禱祠太乙后土始用樂人侯調依琴作坎坎之樂

言其坎坎應節奏也侯以姓冠章耳或說空侯取其空

中琴瑟皆空何獨坎侯耶斯論是也詩曰坎：鼓我是

其文也

繇也者釋詁鬱陶繇喜也郭云禮記曰人喜則斯陶

陶斯詠：斯猶：即繇也古今字耳釋訓坎：樽：

喜也郭云皆鼓舞歡喜 舞也者詩釋文引作舞曲也

廣韻鞀舞曲名 樂有章者本書樂竟為一章 從

夊從及者當為夊聲鞀夊聲相近 詩曰鞀：舞我

者小雅伐木文彼作坎：鼓我本書樽下引詩蹲：

舞我舞賦雅美蹲：之舞

此則直書為刃字矣

說文解字義證 卷十五

𦍋 𦍋蓋也象皮也覆𦍋下有兩臂而及在下讀若范

亡范切

𦍋
中宜居

徐鍇曰漢制乘輿馬金𦍋𦍋在馬頭上如金華義出此

或作𦍋謝朓集映輿𦍋於松楸後漢書輿服志金𦍋

方鉞文選東京賦金𦍋鏤錫李善云蔡邕曰金𦍋者馬

冠也高廣各五寸上如玉華形在馬前髦字又譌作

𦍋後漢書馬融傳揚金𦍋而拖玉環注云𦍋音無犯反

一音子公反晉輿服志金𦍋而方鉞又譌作𦍋獨斷

金𦍋者馬冠也高廣各四寸如玉華形在馬駿前又云

金𦍋形如緹亞飛輪以緹油廣八寸長注地左畫蒼龍

右白虎繫軸廣頭今二千石亦然但無畫耳

𦍋

中國之人也者從及從頁從白白兩手及兩足也胡雅切

中國之人也者書舜典蠻夷猾夏傳云夏華夏正義

云夏訓大也中國有文章光華禮義之大定十年左

傳云裔不謀夏夷不亂華是中國為華夏也康誥用

肇造我區夏立政俾我有夏武成華夏蠻貊傳云冕

服采章曰華大國曰夏馥案方言夏大也玉篇三千
五百里為華夏也左傳遷寶沈於大夏史記禹鑿龍
門通大夏齊桓公西伐大夏即禹貢之太原穀梁傳
中國曰太原夷狄曰大鹵祝佗言成王封唐叔於夏
虛疆以戎索是則大夏之名所以別於大鹵也詩周
頌肆於時夏閔元年左傳諸夏親暱杜云諸夏中國
也襄十三年傳以屬諸夏二十九年傳為之歌秦曰
此之謂夏聲杜云本秦在西戎汧隴之西秦仲始有

車馬禮樂去戎狄之音而有諸夏之聲故謂之夏聲

秦策乘夏車稱夏王鮑注夏中國也通鑑阿伏至羅

國人號曰候婁匈奴夏言天子也注云夏言謂中華

之言趙宦光曰夏州秦之上郡漢制朔方地鄰於夷

故華夏夷對稱曰華夏猶譯經者稱本國為漢為魏

為秦為梁為隋為唐並取一時之稱皆夏意也從頁

者人首也秦呼民為蒼頭是也白兩手者本意曰

义手也义兩足也者古文從足

畎 古文畎

畎 治稼畎 畎進也 從田人 從夂 詩曰 畎畎良耜 初力切

治稼畎 進也 者釋訓 畎 耜也 郭云言嚴利 舍人云

畎 耜入地之兒 從田人者 五經文字 從田從儿

馥 案儿 奇字人也 本作 夂 從 兂 從 人 篆文皆從

儿 詩曰 畎 良耜者 周頌 良耜 文 彼作 耜 傳云 畎

畎 猶測 也 箋云 農人 測測 以利善之 耜 熾 蓄是南

畎也

𪔐

𪔐 斂足也 離 鵠 醜 其 飛 也 𪔐 從 夂 兂 聲 子紅切

斂足也者 韻會引有鳥字 五經文字 𪔐 鳥 斂足 六書

正論 𪔐 鳥 斂足也 玉篇 𪔐 飛而 斂足也 徐鍇 韻譜 𪔐

飛 斂足 文字音義 踏下云 鳥 鵠 醜 其 飛 掌 踏 在 腹 下

也 鵠 鵠 醜 其 飛 也 𪔐 者 釋 鳥 文 彼 作 𪔐 郭 云 竦 翅

上下釋文云 𪔐 字 林 作 𪔐

𪔐

𪔐 貪獸也 一曰 母猴 似人 從 頁 已 止 夂 其 手 足 奴刀切

貪獸也者 或作 獲 尹 子 左 執 太 行 之 獲 右 搏 雕 虎

一曰母猴似人者本書猴變也或作狒廣雅狒獼猴也釋獸狒蝮善援孫炎云狒母猴也管子形勢篇墜岸三仞人之所大難也而狒狒飲焉詩角弓母教狒升木傳云狒狒屬箋云狒之性善登木陸璣疏狒獼猴也楚人謂之沐猴樂記獲雜子女注云獲獼猴也釋文云依字亦作狒馥案字又作蝮管子形勢解緣高出險蝮蝮之所長史記司馬相如傳其上則有赤猿蝮蝮正義曰蝮：柔猿猴類書司馬相如傳蝮

蝮獼蝮顏注蝮今所謂戎皮為鞞禡者也匡謬正俗或問曰今之戎獸皮可為禡者古號何獸何以謂之戎答曰案許氏說文解字曰夔貪獸也李登聲類音人周反字或作狒詩云母教狒升木毛傳云狒屬也箋云狒之性善登木爾雅云狒狒善援郭景純注曰便攀援也爾雅又云蒙頌狒狀郭注云即蒙貴也狀似雌而小紫黑色狒亦猴類耳按郭此說蓋蒙頌為獸狀似狒又上林賦云雌獼飛狒蝮蝮獼狒左思吳

都賦云射獠狴劉逵注云獠似猴而長尾尋據諸說
驗其形狀戎即獠也此字既有柔音俗語變訛謂之
戎耳猶今之香菜謂之香戎今謂獠別造狴字蓋穿
鑿不經於義無取通作啣西山經獠次之山有獸焉
其狀如禺而長臂善投其名曰啣 已止及其手足
者江乘地記攝山有山獠^赤足

夔

神魑也如龍一足從夂象有角手人面之形渠追切

干祿字書作夔從夂 魯語木石之怪曰夔 蚺蚺韋注

或云夔一足越人謂之山繅或作獠富陽有之人面猴
身能言

神魑也者廣韻魑下云夔魑罔象木石之怪也馥案
諸家皆以夔魑為二物漢書楊雄傳捐夔魑而扶猶
狂孟康曰木石之怪曰夔如龍有角人面魑耗鬼也
文選東京賦殘夔魑薛綜注夔木石之怪如龍有角
鱗甲光如日月見則其邑大旱說文曰魑耗鬼也
如龍者抱樸子夔山精或如鼓色赤一足或如人長

九寸衣裘戴笠或如龍而五色 一足者韋注國語

夔或云獨足博物志山有夔其形如鼓一足莊子秋

水篇夔謂蛇曰吾以一足跣蹕而行劉駒駘玄根賦

一足之夔韓非外儲說魯哀公問於孔子曰吾聞古

者有夔一足其果信有一足乎孔子對曰不也夔非

一足也夔者忿戾惡心人多不說喜也雖然其所以

得免於人害者以其信也人皆曰獨此一足矣夔非

一足也一而足也呂氏春秋察傳篇魯哀公問於孔

子曰樂正夔一足信乎孔子曰昔者舜欲以樂傳教

於天下乃令重黎舉夔於草莽之中而進之舜以樂

正重黎又欲益求人舜曰若夔者一而足矣故曰夔

一足非一足也馥案此二說不同皆寓指也 象有

角手人面之形者類篇通志並引作角足

文十五 重二

𠂔 對卧也從夂牛相背凡夂之屬皆從夂昌亮切

字林夂錯也 風俗通有十反篇云比其夂曰十反

夂牛疑是夂牛
三誤

漢書賈誼傳此臣所謂舛也 楚元王傳朝臣舛午膠
戾乖刺 字或作僻考工記玉人之事兩圭五寸有卽
注云卽謂之祗有卽僻共本也

對卧也者集韻蠻夷卧以足相向日僻王制雕題交
趾足相鄉然卧則僻 從及中_中相背者廣雅舛偁也
華嚴經音義舛相違背也玉篇淮南子分沅僻馳僻
相背也與舛同

踏

楊雄說舛從足春

莊子惠施書其理踏駁司馬彪注踏讀曰舛舛乖也

吳都賦踏駁於王義孝經序踏駁尤甚

舞

樂也用足相背從舛無聲_{文撫切}

書舞干羽於兩階 詩伐木蹲：舞我 周禮樂師掌
國學之政以教國子小舞 論語樂則韶舞又八佾舞
於庭 左傳舞所以節八音而行八風也 山海經地
俊八子始為舞 呂氏春秋陶唐氏之始陰多滯伏人
氣塞闕_故作為舞以宣導之 樂府雜詩昔有陰康始

教民舞

樂也者本書雩夏祭樂於赤帝月令章句舞者樂之
容也有俯仰張翕行綴長短之制 用足相背者用
當為兩徐鍇通論曰舛兩足左右也兩足左右蹈厲
之也

羽

古文舞從羽

從羽者本書雩或作羽舞也望樂舞以羽擬自
翳其首以祀星辰也無聲同本書岐從羽聲讀與

撫同撫古文從彡

車

車軸端鍵也兩穿相背從舛萬省聲萬古文僕字

故夏切

車軸端鍵也者本書轄鍵也鍵車轄詩泉水載脂載
牽釋文云牽車軸頭金也又車牽釋文云牽車軸頭
錢也馥案昭二十五年左傳昭子賦車轄五經文字
轄牽二同並胡夏反尸子文軒六馱題無四寸之牽
則車不行淮南人間訓夫車之所能轉千里者以其

要在三寸之轄 此字在轄 兩穿相背者穿受軸頭 此字在軸 本書軹車

輪小穿也 萬古文楔字者徐錯本無此文案文當

云從萬省衍聲字萬乃嚮之古文本書誤在鳥下五

經文字云牽從萬省亦無聲字

文三 重二

𦉳

𦉳也楚謂之葛秦謂之蔓蔓地連萼象形從舛

亦聲凡舛之属皆從舛 舒閏切

楚謂之葛者廣韻引作當本書葛當也爾雅同 秦

謂之蔓者本書葛一名萼萼當作舛

𦉳

古文舛

𦉳

萼榮也從舛生聲讀若皇爾雅曰𦉳萼也 戶光切

萼榮也者玉篇𦉳艸木華榮也廣雅萼：茂也通作

皇詩皇：者華傳云皇：猶煌： 生聲者趙宦光

曰從生非是當從皇：有艸盛義故義從皇 爾雅

曰𦉳萼也者釋言文彼作皇華也馥案石經作華皇

也釋文同郭注釋草引釋言華皇也

𦍋 𦍋 或從艸皇

或從艸皇者本書𦍋艸之皇榮也小字本亦作皇榮

文二 重二

𦍋 相背也從舛口聲獸皮之韋可以束枉戾相韋背

故借以為皮韋凡韋之屬皆從韋字非切

相背也者通作違本書雖從二臣相違堯典靜言庸

違傳云行事則違背之也論語不違如愚左傳叔父

有違言漢書孔光傳猗違者連歲注云猶依違也依

且違言兩可也 口聲者五經文字口音圍馥茶古

文作。篆文變從口口回而也詩求福不回又徐方

不回傳云回猶違本書韓從韋取其而也 獸皮之

韋云：者本書韋束也散戾也弟韋束之次第也字

林韋柔皮也通作違大學人之彥聖而違之俾不通

鄭注違猶戾也又通作緯夏小正農緯厥耒傳云緯

束也六書故云韋本韋北之韋借為韋草之韋

𦍋 古文章

說文解字義證 卷十五 九二
本書弟古文從此

鞞

鞞所以蔽前以韋下廣二尺上廣一尺其頸五寸

一命緼鞞再命赤鞞從韋卑聲

卑言切

桓二年左傳袞冕鞞珽杜云鞞韋鞞以蔽膝也正義云鞞鞞制同而名異冕服謂之鞞其他服謂之鞞知冕服謂之鞞者易云朱紱方言來利用享祀知他服謂之鞞者紫士冠礼士服皮弁玄端皆服鞞是他服謂之鞞鞞之與鞞祭服他服之異名耳其體制則同 玉藻鞞君朱

大夫素士爵韋圍殺直天子直公侯前後方大夫前方後挫角士前後正 環濟要畧鞞以象裳色 孔帖引

唐郭知元韻鞞祭服蔽膝

鞞也者本書市鞞也篆文作鞞 所以蔽前者本書市下云上古衣蔽前而已市以象之釋名鞞蔽也所以蔽膝前也盧辯注大戴礼公冠篇云古者田狩而食其肉衣其皮先以兩皮如鞞以蔽其前後及後世聖人易之以布帛猶存其蔽前示不忘古五經要義

韠者舜之所制也太古之時未有布帛人食禽獸肉
而衣其皮但知蔽前未知蔽後至舜冕服既備故復
制之通作畢荀子正論篇共艾畢注云畢與韠同蔽
也所以蔽前以韋者孔帖所引無此二字韋注晉
語云韠韋蔽膝鄭注玉藻以韠以韋為之下廣二
尺上廣一尺其頸五寸一命緼韠再命赤韠者郊特
牲文王韠下廣二尺上廣一尺長三尺其頸五寸肩
草帶博二寸又云一命緼韠幽衡再命赤韠幽衡

三命赤韠蔥衡注云韠之言蔽也又云韠之言亦蔽
也雜記韠長三尺下廣二尺上廣一尺會去上五寸
紕以爵韋六寸不至下五寸純以素紕以五采士冠
禮素韠注白韋韠也長三尺上廣一尺下廣二尺其
頸五寸肩草帶博三寸盧注大戴禮韠其制上廣一
尺下廣二尺長三尺其頸五寸肩博二寸

韠

茅蒐染帶也一入曰韠從韋末聲莫佩切

玉篇有古文作韠

茅蒐染章也者本書茅蒐茹慮可以染絳玉藻一命
緇注云緇亦黃之閒色所謂緇也士冠禮爵弁服
纁裳純衣緇帶緇鞞注云緇鞞緇鞞也士緇鞞而
幽衡合韋為之士染以茅蒐因以名焉今齊人名菑為
鞞鞞晉語卻至以鞞韋之附注韋注茅蒐今絳草也急
疾呼茅蒐成鞞也詩瞻彼洛矣鞞鞞有與傳云鞞鞞者
茅蒐染草也一曰鞞鞞所以代鞞也箋云鞞鞞者茅蒐
染也茅蒐鞞鞞聲也鞞鞞祭服之鞞合為之其服爵

弁服紂衣纁裳也正義解傳云鞞鞞者衣服之名與
者亦兒傳解言與之由以其用茅蒐之草色赤故也
鄭駁異義云鞞草名齊魯之間言鞞鞞聲如茅蒐字
當作鞞陳留人謂之菑也一入曰鞞者成十六年
左傳有鞞韋之附注賈注一染曰鞞韋注國語引三
君云一染曰鞞詩瞻彼洛矣正義云荼爾雅云一
染謂之緇再染謂之頰三染謂之纁此曰鞞鞞即一
入曰鞞鞞是緇也未聲者鄭注周禮鞞師云鄭司

農說以明堂位曰韎東夷之樂讀如味飲食食之味
杜子春讀韎為味莖著之味立謂讀如韎韐之韎

韎

橐紐也從韋惠聲一曰盛虜頭橐也胡計切

橐紐也者六書故今以衣紐之牝環為韎或作韎玉

篇韎橐組名一曰盛虜頭橐也者廣韻韎橐屬以

盛賊頭集韻韎盛馘橐

韎

劔衣也從韋留聲土刀切

劔衣者漢官儀班劔以虎皮飾之

韎

射臂決也從韋萬聲古侯切

射臂決也者李善注李陵答蘇武書引作臂衣也御

覽作引射臂搭也本書搭縫指搭也一曰韎五經文

字韎射臂搭玉篇韎臂搭也集韻韎捍臂也廣韻韎

射韎臂捍也又云射馘以皮馘臂又云扶縱弦彊也

本書韎針臂鎧也管子桓公弋管仲隰朋朝公望二子

弛弓脫針而迎之注云針所以鉤弦內則右佩瑛捍

注云捍拾也言可以捍弦大射儀司射適次袒韎決遂

言文解字彙言 卷十五
注云遂射鞬也以朱韋為之着左臂所以遂弦也鄉射禮司射遠望西袒決遂注云遂鞬射也以韋為之所以遂弦者也其非射時則謂之拾、斂也所以蔽膚斂衣也夏官繕人掌王之用弓弩矢箠矰弋扶拾注云詩云扶拾既次詩家說或謂扶謂引弦彊也拾謂鞬扞也立謂鞬扞着左臂裏以韋為之曲禮野外軍中無摯以纓拾矢可也注云拾謂射鞬詩車攻決拾既攸傳云決鉤弦也拾遂也薛注東京賦決拾既

次云拾鞬捍着左臂也韋注國語云拾捍也三禮圖捍者臂捍以朱韋為之謂之撻者所以遂弦也楚詞天問馮珖利決封豨是射注云決射鞬也史記蘇秦傳革扶吠芮索隱云謂以革為射決、射鞬也

鞬

射決也所以拘弦以象骨韋系着右巨指從韋某

聲詩曰童子佩鞬

失涉切

射決也云、者吳語夫一人善射百夫決拾韋注決鉤弦也士喪禮決用正玉棘若擇棘組繫續極二鄭

注猶闔也挾弓以橫執弦詩云決拾既伙正善也王
棘與擇棘善理堅及者皆可以為決極猶發放弦也
以沓指放弦令不挈指也生者以朱韋為之而三死
用續又二明不用也禮又云設決麗於擊自飯持之
設握乃連擊注云麗施也擊手後節中也飯大擘指
本也決以韋為之藉有彊、內端為紐外端有橫帶
設之以紐據大擘本也因沓其彊以橫帶貫紐結於
於擊之表也設握者以綦繫鉤中指由手表與決帶

之餘連結之此謂右手也又注鄉射禮云決猶闔也

以象骨為之著右大擘指以鉤弦闔體也又注夏官

繕人云挾挾矢時所以持弦飾也著右手巨指薛注

東京賦云決以象骨著右手巨指所以鉤弦也或作

鞞說苑能射御者佩鞞 詩曰童子佩鞞者衛風芄

蘭文傳云鞞決也能射御則帶鞞箋云鞞之言沓所

以彊沓手指陳啟源曰案射禮右指、著決以鉤弦

食指中指無名指著沓以放弦決用棘及骨及象骨

言之解字集註 卷十五
為之亦名抉亦名抉沓用朱韋為之亦名極大射禮
云朱極三是也三者中中指各一也極取其中於指
沓取其沓於指也韠之為決為沓禮皆無明文毛傳
與許說相輔當得其真

抉

韠或從弓

廣韻彀射決張弓

韠

弓衣也從韋蜀聲

之欲切

弓衣也者廣雅韠弓藏也月令章句韠弓衣覲禮載

龍旗弧韠注云弓衣曰韠既夕記有韠少儀屈韠執
拊注並云韠弓衣也呂氏春秋二月紀帶以弓韠注
云韠弓韜也古文苑殷君碑韠韠竹貴注云韠弓韜
也通作襜內則斂簞而襜之注云襜韜也

韠

弓衣也從韋長聲詩曰交韠二弓

丑亮切

弓衣也者詩采芣言韠其弓檀弓韠弓注云韠韜也
又赴車不載橐韠注云韠弓衣家語子貢問篇韠
弓注云韠韜新序貳車抽弓於韠字或作韠廣雅韠

弓藏也又通作𦉳詩大叔于田抑𦉳弓忌傳云𦉳弓
弣弓正義云𦉳者盛弓之器𦉳弓謂弣弓而納之𦉳
中謂藏之也閔宮二矛重弓傳云重弓重於𦉳中也
釋文云𦉳弓衣也字或作𦉳同 詩曰交𦉳二弓者
秦風小戎文傳云𦉳弓室也交𦉳交二弓於𦉳中也
履也者本書𦉳足所履也足部字多與韋草通故躡
或從草

𦉳

履也從韋段聲

乎加切

𦉳

履後帖也從韋段聲

徒玩切

履後帖也者徐錯曰帖後跟也急就篇履舄鞞裏絨
緞糾顏注緞履跟之帖也絨緞以絨為緞也

緞
報或以急

皆當以段

𦉳

足衣也從韋茂聲

望發切

史記張釋之傳吾鞞解願謂張廷尉為我結鞞 漢書
哀帝紀起下鞞係解又外戚傳鄉晨傳跨鞞 東觀漢
記和帝召諸儒侍中賈逵黃香罷朝特頒賜履襪 崔
浩女儀近古婦人常以冬至日上鞞履於舅姑 或作

言文解字義證卷十五
韞韓非外儲說文王韞繫解因自結皇甫規與馬融書
謹遣掾吏奉上韞一量帝王世紀武王韞系解五人御
於前莫肯為王解韞 又作襪一切經音義襪古文作
韞足衣也釋名襪末也在脚末也班固集實憲餉身所
服襪三具顧炎武曰古人之韞大抵以皮為之春秋左
氏傳注曰古者臣見君韞解既解襪則露其邪幅而人
得見之采菽之詩所以為詠吳賀邵坐常著襪始從衣字
又作絺淮南說林訓鈞之編也一端以為冠一端以

為絺冠則戴致之絺則屣履之後漢書禮儀志絳袴
絺足衣也者李善注洛神賦引同急就篇鞞鞞印
角褐韞巾顏注襪足衣也哀二十五年左傳穀子韞
而登席釋文云韞足衣也

韞

韞裏也從韞專聲

匹各切

韞裏也者廣韻轉車覆韞集韻轉韞韞裏車就韞

韞

韞中辨謂之韞從韞專聲

九萬切

韞中辨謂之韞者釋器文玉篇引作韞中絕謂之辨

本書繫收牽也淮南道應訓譬猶之廓草者也廓之
大則大矣裂之道也

𦉳

收束也從韋樵聲讀若酋即由切

收束也者漢書律歷志秋𦉳也物𦉳斂乃成孰讀

若酋者本書擘下引詩百祿是擘詩作邇邇

𦉴

𦉳或從要

或從要者要亦收束廣雅要約也漢書帝高紀待諸
侯至而定要束耳史記作約束

𦉵

𦉳或從秋手

或從秋手者本書手部有擘字米部樵一曰小廣雅

擘小也方言擘細也斂物而細秦晉謂之擘姚規注

易云秋則長收鄉飲酒義秋之為言愁也注云愁讀

為擘：斂也月令孟秋之月百官始收斂昭二十九

年左傳金正曰蓐收注云秋物推蓐而可收也三禮

義宗秋之言湫：縮之義楊慎曰宋人秋日書啟金

𦉳秩序玉宇暑涼𦉳與擘同禮記秋擘也

韓

井垣也從韋取其市也

胡安切

井垣也者史記索隱引作井橋通作韓集韻韓井欄承輓轡者唐宗聖觀記作井韓又通作幹增韻幹井欄徐鉉說樹字云周禮有井樹謂井之周幹也易井收勿幕釋文云收陸云井幹也莊子秋水篇吾樂與與吾跳梁乎井幹之上司馬井幹井欄也釋文云司馬云井欄也諸詮之音西京賦作韓音漢書枚乘傳彈極之統斷幹晉灼曰統古綆字幹井上四交之

幹常為汲者所契傷也顏注幹者交木井上以為欄者也又注郊祀志云井幹者井上木闌也其形或四角或八角淮南子構大架與宮室雞棲井幹許注云皆屋構飾也史記秦始皇本紀幽母咸陽宮諫者輒殺於井幹闕下封禪書井幹樓度五十丈索隱云閔中記宮北有井幹臺五十丈積木為樓言築累萬木轉相交架如井幹諸本多作幹一本作韓太元法上九井無幹水直衍匪谿匪谷終於憇注云幹以扞井

言文解字集註 卷十五
泄取有時故曰井榦鹽鐵論今富者井榦增梁文選
西都賦攀井榦而未半李善注榦音寒西京賦井榦
疊而百增又云蒂倒茄於藻井五臣注藻井當棟中
交木方為之如井榦也蕪城賦井榦烽櫓之勤新唐
書王鉞傳至以寶鈿為井榦王觀國曰謝元暉詠銅
雀臺詩總幃飄井榦：字音寒井榦又謂之銀牀皆
井欄也古詩後園鑿井銀作牀杜子美詩露井凍銀
牀是也

文十六

重二

韞

本書韃車溫也玉篇作車韞韃其韋部韞字云裏也論
語韞匱而藏諸鄭注韞裏也

遺文一

韋

韋束之次第也從古字之象凡弟之屬皆從弟

特計切

韋束之次第也者五經文字弟從韋省象圍巾次第
之形本書叙次第也釋名弟第也相次第而上也哀

十六年在傳楚國第杜云用士之次第吳語孤敢不
順從君命長弟許諾注云長先也弟後也韓策循功
勞視次第漢書贈霍光甲第一區音義曰有甲乙次
第故曰第也後漢書張衡傳子長謀之爛然有第注
云子長作史記粲然各有第序也

弟 文古弟從古文章省ノ聲

此從厂余制切不應舉首作弟房密切

弟 周人謂兄曰弟從弟從眾古魂切

周人謂兄曰弟者或作弟釋親親弟兄也郭云今江
東人通言弟通作昆釋言昆後也郭云謂先後一切
經音義引作謂兄後也詩葛藟謂他人昆傳云昆兄
也昭十六年左傳孔張君之昆孫杜云昆兄也賈誼
六術篇父有二子二子為昆弟

文二 重一

从 從後至也象人兩脛從有致之者凡父之屬皆從

从 讀若甫陟侈切

從後至也者本書趨下云趨趙及也 象人兩脛後

有致之者致當為座座礙止也本書各下云久者有

行而止之不相聽也徐鍇曰象人足欲行從後躓之

𠄎 相遮要害也從久𠄎聲南陽新野有峯亭乎蓋切

相遮要害也者或作砦廣韻砦山居以木柵又作柴

莊子天地篇內支盈於柴柵王維有鹿詩柴詩

𠄎 𠄎也從及𠄎聲讀若縫敷容切

𠄎也者通作逢悟史記天官書鬼哭若呼其人逢悟

𠄎 服也從及平相承不敢竝也下江切

服也者易豫卦刑罰清而民服書舜典四罪而天下

咸服各通作降春秋莊八年師及齊師圍郕：降齊

於齊師

𠄎 秦以市買多得為𠄎從了從及益至也口口詩曰

我𠄎酌彼金罍古乎切

秦以市買多得為𠄎者買當為賣者玉篇𠄎多債利

也從了從及益至也者通志引作從及從乃乃益至

也六書故引云盈從此了古文及字又引唐本益至也從乃盖至也增韻引云秦以市買多得為乃論語曰求善價而乃諸是本書有引論語之文今闕引詩上有闕文當是讀若二字詩作姑傳云姑且也玉篇璋苟且也

𠂔

跨步也從反及𠂔從此苦瓦切

跨步也者廣韻干一步也徐錯曰步濶也反及是不致闕故反及為跨或作跲集韻跲踏行跨兒

文六

𠂔

從後灸之象人兩脛後有距也周禮曰久諸牆以

觀其橈凡久之屬皆從久舉友切

從後灸之者久灸聲相近既夕禮既二醴酒罍用功

布皆木析久之注云久當為灸謂以盖案塞其口

士喪禮幕用疏布久之注云久讀為灸謂以盖塞鬲

口也象人兩脛後有距也者距集韻作矩馥謂當

作𠂔周禮曰久諸牆以觀其橈者考工記廬人為

言文解字集註 卷十五
廬器文彼云灸諸牆以眠其橈之均也注云灸猶柱也
也以柱兩牆之間軌而內之本未勝負可知也釋文
云灸音救

文一

柀

柀磔也從舛在木上也凡桀之屬皆從桀渠列切

詩雞棲於桀爾雅釋宮雞棲於弋為桀一切經音義引

弋作杙桀作桀

桀

辜也從桀石聲陟洛切

本書梟下云日至捕梟磔之

秋官掌戮掌斬殺賊謀

而磔搏之注云搏當為膊諸城上之膊謂去衣磔之馥

桀成二年左傳殺而膊諸城上杜云膊磔也 僖二十

八年左傳晉侯圍曹門焉多死曹人尸諸城上杜云磔

晉死人於城上 荀子宥座篇伍子胥不磔姑蘇東門

外乎注云磔車裂也又正論篇斬斷枯磔注云韓子曰

采金之禁得而輒辜磔所辜磔甚衆而民竊金不止疑

辜即枯也 漢書云敞傳磔尸東市門 通鑑陽球僵

磔王甫尸於夏城門 士喪禮決用正王棘注云世俗謂王棘斃鼠馥案史記李斯傳十公主斃死於杜索隱云斃音宅與磔同古今字異耳磔謂裂其支體而殺之辜也者當為斃本書斃枯也玉篇斃：乾通作辜說苑朽者揚其灰未朽者辜其尸廣雅磔聞也玉篇磔張也通俗文張申曰磔通鑑昌義之怒須髮盡磔注云磔張開也釋天祭風曰磔郭云今俗當大道中磔狗云以止風此其象李巡云祭風以牲頭蹄及皮破

之以祭故曰磔孫炎云既祭披磔其牲以風散之春官大宗伯以鬻辜祭四方百物注云故書鬻為罷鄭司農云罷辜披披磔牲以祭若今時磔狗祭以止風玄謂鬻鬻牲胸也鬻而磔之謂磔禳及蜡祭夏官小子凡沈辜候禳飾其牲注云辜謂磔牲以祭也秋官掌戮殺王之親者辜之注云辜之言枯也謂磔之淮南時則訓九門磔禳注云裂牲謂之磔漢書景帝紀改磔曰棄市勿復磔應劭曰先此諸死刑皆磔於市

今改曰棄市自非妖逆不復磔也顏注磔謂張其尸也漢書王尊傳取不孝子縣磔著樹使騎吏五人張弓射殺之地理志左馮翊雲陽有越巫帖鄴祠孟康曰帖音辜磔之辜

奔

覆也從入桀桀黠也軍法曰乘食陵切

宣十二年左傳楚人乘我喪師無日矣 韓策公戰勝

楚遂與公乘楚

覆也者釋言敗覆也中庸傾者覆之莊十一年左傳

覆而敗之曰取某師杜云覆謂威力兼備若羅網所

掩覆一軍皆見禽制齊策覆其十萬之軍又云楚之

法覆軍殺將或曰覆者乘匹也齊民要術云驢覆馬

馬覆驢皆生羸易屯卦乘馬班如鄭注馬牝牡曰乘

詩闕宮不震不騰傳云騰乘也正義云月令稱累牛

騰馬騰是相乘之義故為乘也 桀黠也者方言黠

慧也仲長統覈性賦孰癡孰黠張衡西京賦燾莽桔

桀即黠桀 軍法曰乘者周禮稍人掌令士乘之政

此字者有誤以
多一之字
多一之字

令注云丘馬四丘為甸甸讀與維敵之敵之同其訓
曰乘由是改云疏云敵是軍陳故訓為乘由甸出車
一乘可以為軍故改云乘不為甸也盧植注月令云
角弓如漢家乘之引闕蹋蹋之屬也王沈魏書有司
奏四時講武於農隙漢承秦制三時不講唯十月都
試車馬幸長水南門會五營士為八陣進退名曰乘
之

𠨍

古文乘從儿

從儿者當為門莫狄切本書門覆也

文三 重一



